

御制衣詩文十全集

乙





御製詩文十全集卷二十七

再定兩金川第五之六

詩五十首

題平定合符

有序  
乙未

李侍堯奏粵民李阿集私越邊界至安南國之順  
化娶番婦居焉其地在安南王城西南遠隔重洋  
昔為阮姓竊據歷今九世番人稱為順化阮王與  
奉朔受封之黎姓國王為世仇會順化王死有子  
二嫡次而幼庶長而愚長子繼立其舅擅威福土

江西汪石  
琴家藏本

御製詩文十全集卷二十七



人患之有阮翁袞者順化王之同姓以除奸立嫡  
爲名自稱西山王募兵構怨客民多從之李阿集  
因受僞封開國公西山兵逼近順化王所居二子  
皆出走阮翁袞思自取之士人不從兵衆解散李  
阿集遊奕洋面遇順化二子舟劫奪其財貨攜家  
竄回內地爲有司所執將按以法籍其家得玉平  
定合符一隨牘奏進發緘視之長二寸又十分寸  
之五闊一寸又十分寸之八厚三分有奇符上下  
各一外面爲龍鳳形玲瓏通裏內面中爲雞心玦

式左右鑿杓相應形圓而橢鐫小篆文各一上曰  
平定下曰合符中心及四角皆有穿蓋繫組以佩  
也玉質瑩潔潤澤知爲舊物而安南不聞產玉以  
大小計之疑是玉帶版改爲第不解彼地玉工乃  
能精巧若是耳夫奸民之當治安南之內証皆不  
具論惟是王師征勦金川正掃穴擒渠刻日奏凱  
之時而玉平定合符適得先事之徵若有默司其  
事者敬惟

昊蒼鴻佑宵旰繫懷因以斯符示兆如詩所云天作之



合或可取以爲賦詩斷章之喻乎因序其事題什

識之

海舶蠻邦恣橫

去聲

行賊擒因致玉符呈龍蟠鳳舞外磨

繳陽定陰平內琢精姬室雅章詠天合金川嘉兆卜師

貞把吟詔爲珍希見吉語佇看報捷旌

雪十二月初九日

過午凍雲黯逮申臘雪霏漫空方漠漠作勢更飛飛於

澤寧辭屢逢麻益慎幾惟殷盼捷報速至願無違

將軍阿桂奏報攻克科布曲索隆古山梁等處礪

寨卽期迅擣賊巢詩以誌事

西里剋來逮一月

阿桂自中秋夜攻克勒烏圍卽統兵進剿而賊衆拒守西里攻之三月餘

未克直至十一月初三夜官兵分路襲擊奮勇摧堅將西里一帶賊寨悉行攻克計其奏至之期距今又月餘

矣城巢近復阻山梁索隆古據建瓴勢

阿桂自攻得西里後乘勝直入

雖連克其舍勒固租魯瓦喇占雅瑪朋及薩爾歪勒隈勒木通等處礪卡並掃蕩卡布角沿河一帶寨落而科

布曲及索隆古山梁爲賊人近巢要害抵拒益力屢次攻之未下茲阿桂等奏至科布曲正梁賊人挖壕固守

鎗石晝夜不絕未易輕進若突然分路上攻搶得迎面各礪卡一氣而止山梁得手較爲迅速因於十二月

初六晚分撥官兵海蘭察同伊蘭保等攻搶中間城卡福康安烏什哈達等攻其左普爾普額爾特等攻其右

而令侍衛遜集勳潛密繞出賊礪之上向下攻壓額森特則於大路直取格隆古其間尚隔三礪派烏爾納那



木札等從正面進攻特成額等攻其左書麟等攻其右  
豐昇額親往策應並派海祿等率土兵從雅瑪喇穿越  
林箐前行繞至兜窩了口以待并力齊發初七夜海蘭  
察等由中路直進官兵從鎗石叢中鼓勇上登磴賊甚  
衆遜集飛等亦已繞出其上賊不能支紛紛敗遁福康  
安普爾普官同時合力奮攻其指派各碉卡均經克獲  
藏賊亦多等兵勇氣倍增遂將科布曲寨落全行攻克  
額森特等又攻克格隆古等各碉賊突圍出者經官兵  
截殺殆盡海祿之兵已攀援上至兜窩了口與海蘭察  
額森特會合即將了口搶佔并克科布曲附近寨落及  
拉布咱占寨而索隆古山勢更高碉卡在山岡之上潰  
敗賊衆退聚其內不宜稍驕即令索倫兵率土兵由林  
箐中繞進抄中其後海蘭察額森特從正路上攻賊人  
棄碉奔遁官兵躡擊斃及帶傷竄者又復不少遂將  
索隆古佔據并將得木巴爾都斯碉卡一併攻獲又  
將安布魯木一帶併為掃清通計攻克大碉石卡木柵  
一百餘處獲礮九鳥鎗刀子等物無算殺賊二三百名  
生擒二人即日發兵直搗賊人巢穴以冀早為掃殄是

役也將軍等調度合宜參贊及領隊董率奮勉  
各兵亦俱勇往出力深為可嘉因勅部優敘  
即賊巢俗謂頻覆邪殃冒險衝鋒資衆力除兇助順賴  
之刮可崖者頻覆邪殃冒險衝鋒資衆力除兇助順賴  
天慶紅旗早晚其將至益切中宵盼不遑

副將軍明亮奏攻克獨古木寨落及搶佔乃當山  
梁情形詩以誌事

逆巢正路自河東牽掣河西亦藉攻

圍後屢得賊人西里一帶至雅瑪朋等碉卡近復佔據  
科布曲索隆古山梁已扼賊巢險要即可直搗噶喇依  
為掃穴擒渠之計自屬進兵正路其河西之兵原以牽  
綴賊勢而明亮等自得宜喜茹寨以來漸次逼近河邊  
與河東聲氣聯絡自夏至冬鮮有克  
益可成犄角之勢自夏至冬鮮有克  
明亮等於六月廿八九日派兵分路



攻得石真噶賊人大礪設立木柵  
 近今較昨略稱雄  
 閏  
 馬守此後雖常進攻未能有得  
 月初十明亮等攻克扎烏古礪寨尋又攻取礪占此路  
 官軍遂大有起色十一月十七日復將達撒谷擦角赤  
 爾登布里三道山梁  
 忽聞獨古  
 呼之則獨古木急  
 已登險且  
 戰乃當圖下衝  
 明亮奏云十二月十四夜派奎林阿爾  
 興兆等佔據山頂和隆武德赫布等攻取在下之獨古  
 木思滿分左右繞進將近黎明賊人望見放鎗抵禦奎  
 林已率兵先登斫開門而入賊賊無遺其葛木呢布各  
 寨之賊亦紛紛棄去  
 鳥獸散復派德赫布等攻取布  
 吉魯和隆武等攻取達那賊眾皆望風披靡間有抵拒  
 者即為官兵鎗箭所殪其賊目在後以刀驅之亦不復  
 顧所有山梁上下寨落八十餘處官兵隨到隨克立行  
 燒燬通計殺賊百餘擒活口二獲礪一據云乃當七克  
 大半再前更無險阻即甲雜寨建於臨河石包之上攻  
 之亦為省力云云已降旨將明亮舒常及將領員弁等

下部優叙兩路官兵奮勇夾進正逢賊窘候快觀益  
 望捷旗紅

元巨試筆 丙申

逢申其識應連西得酒還欣於乞漿運斗旋杓環紫極  
 卿雲旭日麗青陽訓民符節觀新物傳道陳風誦四方

更值邇來頻報捷  
 前日阿桂奏攻克朗阿古斯拉瓦等  
 礪卡進據則朗拉克了口駐噶占山

梁擬即整兵直擣賊寨集昨明亮奏已得乃當賊礪乘勝  
 前進攻克甲禱賊寨並將河西一帶後路肅清現擬渡

河攻剿雍中喇嘛寺并力合擊噶喇依此刻明亮等復  
 奏攻克獨松卡拉爾舍斯滿一帶並稱阿桂已攻克舍

齊喇嘛寺現在圍剿噶喇依同時富德亦奏攻  
 得馬爾那等處即日河期掃穴擒渠紅旗連

御製詩之



續巔

天慶

歲辨坤方得朋吉月占乾卦九三臨樓陰雪色鋪瑞色

市上人音聽喜音亶亶心存無暇逸昌昌福迓有壬林

廿年勤政方歸政

余踐昨之初曾告隆六年即當歸政以今歲計之尙

天陳願至乾

需二十載然敬勤之心始終如一不敢稍暇也

不負初心勉自今

雪

正月初二日

翼旦逢膏雪新年第一祥繼冬優且渥

昨歲冬雪屢霑且極普遍優渥

為邇年所未有 彌宇霈而霽

鳳輦銀花度

今晨恭奉

皇太后至寧壽宮

龍樓玉

蝶翔軍書頻報捷

連日軍營屢報捷音今早阿桂等奏已攻克舍齊喇嘛寺雍中喇喇寺

其助惡大頭目當噶拉阿納木等官兵直抵噶喇依四

面圍定索諾木及莎羅奔弟兄並黨惡賊目俱在圍中

自日便當掃蕩擒 農諺幸穰遇順益知慎蒙

床敢不覆重華燈爛朗歡捧

萬年觴

顧正誼開春報喜圖

梅花塢裏春先到樂歲圍爐老友陪童子庭前鳴爆竹

喜音都共捷音來



新正悅心殿

新正藩宴循成例待備遊山陟碧峻五歲軍功一朝歲

兩金川負恩抗拒不得已而用兵自收復贊拉以來攻

勦促浸再閱寒暑今阿桂已緝兵圍功噶喇依賊巢即

日便可掃穴擒渠大功全三冬雪澤翼辰仍昨歲冬雪

歲通計前後約及五年於斯即景心誠悅詎敢生驕志忘去

紫光閣曲宴外藩即席得句

廊展前楹布席寬果然逮繪戰圖觀

昔西師凱旋曾錄其功績繪為戰圖

張壁今征勦金川集勳在節而自進攻促浸以來摧堅

奪隘戰績尤多擬添繪新圖紀盛預展前楹以待當於

凱宴時聯情雖合此中外効力那忘彼趙桓將是承筐

張之祇循例及陳凱宴此真歡錄鐫近已習生痘絲服欣看

捧爵盤蒙古以未出痘者為生身不敢至內地是以策

歲渠已出痘因亦來京朝正即命其於筵前進酒

祈穀齋居

遷坐居左个太齋異燕去時戒辛清口味簡政謐神思

戶換宜春字屏多望捷詩去歲齋居有題壁率多盼捷

幸哉圍賊穴仍急盼紅旗阿桂奏已統兵直搗噶喇依

渠紅旗遲至



四川總督文綬奏開夔關米禁詩以誌事

金川逆王命問罪有師指惟是地險夔征以五年矣儲

待出民間遏糴不得已昨歲文綬奏持籌熟絜矩叶並

欲禁雜糧夔關販胥止邇年征勦金川軍儲需米因從該督等之請暫禁川米出關去

冬文綬奏川省所產雜糧亦請飭夔關截留禁止商販

朕以雜糧非軍糈所用應仍聽估舶流通俾從民便且

昨歲江蘇安徽兩省俱被偏災市值不免騰踊若得上

游糧食販運可資接濟因不允所請並諭令大功告成

後夔關川米亦當弛禁因計江浙民接濟賴餘此如何概絕之覽

摺批弗許叶且令一聞捷即免截穀米邇來屢報勝賊

巢圍尺咫茲接驛章程弛禁一遵旨茲據文綬奏大功自日告歲軍糧儲

喜備充盈無庸復行採買已遵旨將夔關開禁仍聽運米通商流通利閭閻是固吾所

祈穀禮成述事

由來邦本曰惟民

祈穀因民重上辛已幸臘春逢雪渥更聞礪砦掃巢頻

居

天子職古無數沐

乾父恩予鮮倫言出心聲敢以實若驚受

寵益增寅

御製詩之二  
八



正月初十日恭奉

皇太后幸圓明園卽景得什

撰辰行慶

翠巒奉初歲開韶紫籞臨臘雪已欣霽遍野春雲又見

吐遙岑恒同民樂期無斃轉爲時和陽不禁幸較昨年

遠功葳

去歲新正有獨盼紅旗尚遲到難忘丙夜問軍郵之句近則大軍已圍定噶喇依賊巢擒兇報

捷祇在旦夕矣

紅旗旦晚遞佳音

上元燈詞

六出霏冬五出春樹根積澤尚餘銀官軍矧復圍賊穴

慶賞應教答令辰

素魄光輝第一宵西墉嘉會九瀛朝玉蛾金鯉都耐冷

飛入煙空上下飄

西嶺下春隱夕曦清宵詠蕩碧空披團圓漫惜欠些子

好是玉輪幾望時

是月十六日始望

萬壽燈明萬福全奉時行慶自年年六鼇下盼紅旗到

一節微嫌意欲然

遙裔幾行雞樹密丰茸一片鶴煙稠飛空燭箭數無萬

都作增



齡海屋籌

藩王列席侍西樓位次寧須較量不厄魯近多出痘者

也教元夕賞皇州

蒙古未出痘者弗令至內地示體恤也都爾伯特親王策凌烏巴今出

痘同內札薩克王公列席與觀燈火

弄竿蹴鞠各分曹雜遯銀花陸海濤節夜原非重九日

底傳元胄挈登高

四朝休養斯民庶百歲熙和此帝都況值開韶三五夜

順時同樂可能無

正月十六日小宴廷臣二律疊去歲詩韻

節後仍開小宴筵聯茵叙陛例年年皇猷允藉調乎鼎  
官路應教直似弦須識頌寧若規好但云泰恐即驕緣  
載咨染翰敷牋者細釋吾言然不然

金川耆定畧心閒休養應圖兵後艱和樂茲雖賞柑節  
凱旋衆未度桃關漫歌七德功云歲已歷五年師乃班  
猶急郊臺親勞去聲接勤劬攻勦細諮問賢勞於役者驅

馳冰嶺雪稠間之句

燕九日作

底說踏歌打旋去聲羅錢王買節亦云過處機生日傳聞



久古觀白雲聚會多每值午風傍晚靜况餘積雪慶時  
和收燈諸事誠休吉祇奈紅旗未到何

復雪

正月廿三日

昨晴今復雪春澤見稀同落地卽爲雨霏空不礙風已  
看增颯景更喜利康功一節猶微欠盼殷旗捷紅

華滋館

暇日遊山館晨餐坐片時放晴春旭嫩宿雪土膏滋庶

政尋常理軍書特地馳

阿桂等奏逆酋同母兄索諾木朋楚克及其大頭人達爾什桑

卡爾雅瑪朋阿古魯續就俘獲現川大礮四面

犁庭期

轟擊計十日左右卽可掃蕩賊巢擒渠奏凱

十日惟是盼紅旗

恭奉

皇太后巡幸山東是日啓程先謁

二陵告功之作

有序

兵銷筴徼永逸定於一勞功獻泮林式固彰於既  
克溯昔日告成銘學通此而三紀歷年展禮登堂  
逮今凡六時則郊臺備典勞還之杖杜將賡於焉  
蔀屋周咨望幸之徂松是慰敬蠲仲月明詔東巡  
二陵之默佑允叨叩



行身言之二  
既因先吉撰初九日啓鑿祇謁東陵迴蹕首嶽之

鴻禧是籲西陵用展告成之禮

發軔啓俟春融廿三日暫駐新衙門翼日恭迎皇

既為安適而時屆春深景候尤增和暢也歡奉東巡舟程

瞻洽萬民

歡承一路通河波暖

安臚揚天上之帆普甸春明清蹕奉

雲中之輦探源頭之活水泉正浮甌舒壇畔之新花杏

初迎

仗量遠頓而增行館

頤和宜順羣情準經涂以就舟程

適體益臻

慈豫惟養

志與祝

釐並切瞻依咸遂彼喁喁然問俗以崇儉為先繁縟預

禁其瑣瑣蓋禮緣義起偃武適可修文而詩由心

生循名必當責實爰茲擷藻用志展輪

在泮由來稱獻功東巡仍此奉



慈躬

宮墻式禮濶五載

泰岱

延釐申一衷水舫陸輿期

體適近程增頓為

年崇

地方大吏以養而德州至平原及中水至曲阜兩處郵程太遠

聖母高年宜緩行以適

頌

擬各於適中之地葺行館數楹敬奉慈駕寧憩其意誠懇因聽之

二陵叩

貺斯先謁

鳳駕遲行正暖融

題隆福寺行宮六景

翠雲山房

山以雲為衣松栢與翠之間房構其間挹潤又一時寄語扈從者漫陳八伯詞

翠微室

稍卑得畝平便因築巖室匪學隱者流子輿言已悉石居鹿與遊聞善沛然出

碧巘丹楓



丹楓帶秋色碧巘則後凋自然成繪畫而非筆墨描猶  
疑最深處佗羨若可招

飛樓俯虛無浮舫於天半何殊泛滄溟一例遊汗漫我  
厘卷阿什豈弟致伴奂

挹霞叫月

霞爲月點綴月助霞光明相需相得彰無情而有情寓  
意固在茲匪慕高蹈名

翼然亭

行館最高處小亭冠峰置適纔跋馬略一髮縈紆細騁  
望目爲勞紅旗由此至

恭謁

景陵

已巳

明樓謁受降赦彼戎丙申今日拜荷

佑定茲功歲月漸因遠

高深憶不窮

三征平朔漠

康熙三十五年二月  
親統六師討之九月凱旋



是年十月及次年二月復躬行征剿噶爾丹仰藥死餘衆悉降還付史館恭纂

愧未親躬此次蕩平金川及前此平定準部回部皆命將往剿愧未能效皇祖之親征也

二月十二日駐蹕桃花寺是日紅旗報功喜而成

謁

陵本為告功來是日紅旗即至哉

皇祖九霄垂佑顯孫臣五載慰心纔勲成一將能無繼

氣復萬民要在培川省辦理軍需輓運不免稍用民力節經將歷年正供蠲緩今大功告成

更為特沛恩施施用示優恤速俾喜音達

萱祀捷奏至即遣御前侍衛侍郎和坤齋紅旗馳赴暢春園奏賀皇太后以冀上慰慈懷

倍增色喜

高年定博

笑顏開

將軍阿桂奏攻克喇噶依賊巢紅旗報捷喜成凱

歌十首

甲午桃花寺蹕停軍書正此俯窻櫺甲午春恭謁東陵駐蹕桃花寺

曾有黃溪來生呈眼底頻望車幸哉今日仍憑處綠柳

中飛一點星

都長寺之...



勒圍即勒烏圍急呼報捷夜行營八月廿三日重值上

陵晝返程二月十一日一刻萬人齊色喜光明日月永銷兵

三穴猶延一月餘阿桂等於臘月十九進兵合圍賊巢

雖負隅死守然官兵奮勇攻六軍奮勇豈饒渠周遭火

器熾攻處早爛區區釜底魚

旬餘棧驛八朝至軍營六百里加緊文報約計十一日

二日未時遞到僅行八晝夜可謂迅速因一片紅旗萬

馬飛夾路羣番喜且懼國之慶也國之威

險惡山川靖梟獍邪深機阱絕根株從今番部都安堵

強食奸欺自此無促浸逆賊意在蠶食鄰封欲圖吞併

矣太平今經掃蕩肅除諸番從此可以安享

蠶叢絕險隱妖氛百戰功成古未聞鑿鼓冬冬聲凱獻

羌兒稽首送將軍

堅礪林立萬重山破險衝鋒歷盡艱奏績都資軍將力

紅旗一道入桃關

姜維征處號維州艷羨戎人謠語留維州唐所置以地

昔吐番佔得其地號為無憂城大肆侵掠番人蓋習聞

而欣羨之是以有搶至維州橋之謠今金川全境削平今日勒圍為內地無憂城果是無

安營設鎮皆成內地信可謂之無憂矣



憂

盼捷經冬復入春垂成偏覺意厯頻今宵料得方安枕  
明告慎哉用武人

流離此日穴巢傾耆定從茲可罷兵歌凱莫教容易聽  
五年功幸一朝成

白澗行宮卽事

去時切切盼紅旗返蹕紅旗已見之固以功成欣且慰  
翻因事定惕而思追前詔有符節握善後還厯屯戍爲  
平定金川以後擬於其地設鎮安營令提督移駐美諾  
並於勒烏圍添設總兵噶喇依添設副將其餘險隘之

地分設叅將遊擊及員弁駐之卽令綠旗兵及番人等  
分地屯種並於雅州添設將軍以控制之番地自可永  
資寧覽奏獻俘非獻馘昨紅旗馳報俘馘詞獻意索諾  
不巳死今日阿桂等奏至則逆  
會兄弟及助惡頭人等並皆擒獲獻俘  
無應獻馘者豈阿桂未解馘字義耶  
益增美善愜心  
期

至烟郊日作

淡沲烟光郊趣深吉行六轡緩如琴却看絡繹迎夾路  
稱賀連翩集盞簪向遇謁陵迴鑾在京王公大臣  
祇於近處候駕茲以紅旗報捷大功  
告成俱至一喜由來生萬喜人心因識卽  
烟郊迎賀

天心自維於此何修遇虔鞏持盈倍勵欽



展謁

東陵告功禮成旋蹕詣暢春園問

皇太后安兼賀紅旗之喜卽於御園駐蹕翌日啓程祇

謁

西陵俟還蹕至南苑恭奉

慈輿巡幸山東卽事成什

告功東返合趨西路便御園一宿稽未曙便行遵柳陌

問

安緣切謁

賞聞紅旗至矣增

歡喜

黃髮康哉永福禔指日

鸞輿奉祝嘏

岱宗

壽算願同齊

御園花朝卽事

西發東還經御苑桃紅柳綠繪花朝羣芳爭湊仲春景

北方花朝花率未開去歲臘月十五日立春最早加以冬春雪澤頻霑故今歲花朝花事特盛  
三白遑  
御製詩文集卷之三



稱六幕調恰值佳辰欣筆點正逢絕域報兵銷雖然敬  
怠分一念泰亦難萌敢曰驕

前副官民鳴事

轉冀同慶

谷崇

繼興本所辦

黃運州站不誦

曹

曹

臣龍廷槐恭校

御製詩文十全集卷二十八

再定兩金川第五之七

詩六十三首

黃新莊行宮卽景

丙申

向遠行宮建以陳黃圖仍此駐輿新墻籠柳樹烟爲暗  
庭苗杏花火報春昔過今來何必較前題後什每相鄰  
郊臺十里縣城外指日重臨慶典循

平定兩金川大功  
告歲將軍等計日

凱旋因定於四月廿七日由  
山東迴鑾至此舉行郊勞禮

永慕齋



自是終身慕到齋慕更諄忍言八月景又隔兩年春望  
近

湖成鼎種來松作鱗告功叨

默佑永此靖羌塵

恭謁

泰陵

兩年濶展

謁一旦寫悲呼難問

彼蒼者永沈吾痛乎金川除後患青海繼

前謨所願自茲往戢兵事更無

金川之兵本出於不得已幸邀

默佑掃蕩

成功從今更不願有用兵之事矣

良鄉道中卽事

迤邐房山入廣陽輕輿雨後釀晨涼須臾紅日照綠野

暄潤胥宜正不妨

麥苗已覺較前長又見新蒔苗豆秧等度年來無此事

往年望雨或至夏初方種大田今日見有新秧問知是豆苗蓋緣冬雪春澤連被霑霈地氣甚潤也慰而

生懼轉傍徨

高處麥長低處短問因地濕致生遲物情卽是人情耳



過不及同中始宜  
遙看塔影似針懸  
忽值行宮綠柳前  
待到迴鑾此郊勞  
始稱一路事成全

小獵

行行路進海子門  
獵騎循例候平原  
一自臂病罷射鵠  
馬射依然弗厭煩  
昨冬以來艱支屈  
茲並馬射亦覺難  
雖云見獵心猶喜  
力不從心實赧然  
控弦不滿發  
矢弱斃一孱兔  
增腆顏解之者  
徒虛譽武  
廿發十九中去聲  
昔傳高齡罷射斯  
其可詰戎寧  
繫身爲先顧  
而笑之我弗

取卽今隨者多少  
年廿發十九中  
誰見百聞不如一見  
焉甫經定功可耽逸  
昭烈致歎意應存

春曉

東方漸昞圻綠野  
濛春露肩輿徐啓行  
草香聞布獲所  
欣寧在草麥田及蔬圃  
一例潤氣烝歷年所罕  
遇武定  
奏軍功雨霑紆農慮  
幸逢諸事順吾心  
慰滋懼

南紅門外作

南苑行宮逐頓移  
東巡今日信遵達  
紅門外便烟村接  
歷覽農桑茲始之



秋麥已長春麥萌不教獵騎躡縱橫柳圍村識青雲店  
憶我少年覓句行

鳳河一再渡稿措蕩漾渾流每藉茲鳳河發源於海子內之團河下流與

永定河匯蕩滌沙渾同由大清河入海是鳳河實永定

關鍵向以年久淤塞因出內府帑金飭加挑濬俾得暢

流通年頗資其力又以舊河勢直恐其設便不為之字

一瀉無遺令作之字形使其曲折而下

繞清波直瀉慮無遺

大典縣境接東安儒士耆民載道歡絞縛綵棚由賀祝

啟程前原降旨不令地方官備陳戲棚茲因紅旗報捷

紳士各於本境結小綵亭申賀喜祝

聖壽之意周元

亦不能禁也得無程督地方官

降旨加恩直隸各州縣詩以誌事

省耕祝

報告成功慶稔應敷恩普同賜復無論經及否茲因平

川集勲奏凱恭奉聖母安輿巡幸山東延釐

岱嶽並詣關里告功凡蹕蹕所經直隸各州縣及別

會承辦兵差之處所有緩征借欠共銀十萬五千六百

兩有奇米穀麥共九萬九千一百八十石有奇槩予蠲

免俾普蠲租略別歉和豐其災區而非巡蹕經行及非

帶銀八萬六千七百四十兩有奇災借欠項米民間總

穀麥五萬六千七百三十石有奇亦予蠲免

令畱餘力司庫何須計鮮充申命地方大小吏推行毋

俾向隅窮

御製詩文集卷之三



四月朔日作

祝

壽獻功禮畢過流陰宛轉入清和易舟北上希膏切夾  
岸青看結穗多人曰無妨未諶我麥虞有失更塵禾期  
逾五日柏十日昨在中水行宮因盼雨未得有雖非五日堪十日迫待却逾蘇氏辭之句距今  
又將旬日願望對此農民愧若何  
甘澤益切於懷

遣悶

自我入齊境佳麥觀菁蔥苗秀秀將實翠浪翻芄芄而  
何往返間少雨偏多風寸澤何嗟及眼看欲失豐逮得

而奪之誰不惜以忡因思消息間理固鮮恒通通塞互  
轉旋此理原堪窮祝

釐告武成歲禮都從容凡事忌太順先憂那辭躬躬弗  
辭先憂惟是憫良農

恭奉

皇太后迴鑾駐蹕桐柏村卽事二律有序

告功行慶東巡

輦掖金根辭舫就輿北道村臨桐柏溯發軔至於旋蹕  
月計兩周由畿輔返自齊封疆連千里緩頰總期



安適喜

慈躬之日益康強經涂並効懽呼嘉民志之風同愷樂

茲以勞還舉典越程仗莅青郊復因

尊號具儀信宿

鑾回紫禁時則微薰正拂渥霽初晴攬盈疇之麥熟禾

滋與扈農而共慰覩夾路之鳧趨雀躍知中外之

交欣爰紀聯章用昭歲事

水程率歷遍陸路此非遙往返都安吉

康強欣適調慶因定西旅恒是奉

東朝郊勞應親莅還宮遲一朝

因舉行郊勞之典廿五日自桐柏村徑駐南苑

新衙門廿六日至良鄉廿七日禮成後率將軍等還京

師詣慈寧宮問安皇太后慈駕則於明日駐

南衙門廿六日回鑾駐壽康宮為期較早一日

踟躕緣望澤優渥喜新晴敢曰時逢泰誠看雨洗兵諸

臣無內外夾路畢趨迎

是日在京王公大臣官員及蒙古王公等俱至桐柏村接駕

人豫占天順予惟凜捧盈

良鄉道中即事用近作韻

霽後輕輿破曉陽紗衣稱體覺微涼柔高稻下都芄綠



一雨回蘇幸弗妨

觀農那覺路途長  
麥欲登秋禾蔚秧  
識得力田不如處

未孤盼雨亟彷徨

兩月東巡真覺速  
一時南望反嫌遲

自良鄉至山東往返幾兩月餘迅若

轉瞬自南苑至此距明日郊勞不過一宿轉覺稽緩蓋不盼則速盼則嫌遲人情大率如此果然明

日逮郊勞嘉霽

天教百事宜

盼捷今休日夜懸  
郊臺知近縣城前  
戎衣看卸著章服

領謁

慈寧大禮全

郊勞後即由行宮更衣回京率阿桂豐昇額等詣慈寧宮請安

良鄉行宮晚坐

來去倏經兩月程  
紗窓重拂夏風清  
詩粘素壁新還舊

意託良農雨與晴  
依古歡惟文簡課  
荷

天寵幸武功成受  
俘凡四郊臺二遇  
以何修勵若驚

於郊臺迎勞將軍  
阿桂凱旋將士等  
成凱歌十首

郊臺仍是此郊臺  
何幸重修盛事來  
漫謂數年經契濶

精神注似日相陪

勲臣率拜列靈旂

郊勞之儀陳將軍參贊等得勝纛於臺上朕親率成功將士及王公大臣



等行禮是時臺下軍士鳴螺赫武儀樂奏饒歌行抱見  
鳴螺饒歌樂作  
拜禮禮成御幄次將軍參贊趨至座前行抱見禮  
各加撫慰賜坐賜茶猶循  
禮宗以來家法也  
詰戎  
家法萬年垂

巳巳以師本受降非擒賊滅寇故庚辰郊勞典鴻龐放

牛歸馬予素志凱獻何期此見雙

準部回城定五年金川小寇亦如前嘉予將士久敵愾

不覺對之增慟焉

地險即之眾志堅從浸逆賊恃其地險稠堅蟻眾齊心

力戰而得攻剿之艱林礪步步戰而前小於昔事難過

倍慰意恒因意惘然

鑿穴而居避火器終於面縛出蕃城官軍圍攻賊巢用

眾皆鑿地而匿以避礮火今鼠窟垂破逆酋胆落計窮

因率其弟兄甲爾瓦沃禱爾斯丹巴並其兩土婦及助

惡大頭人丹巴沃禱爾阿木魯綽窩斯甲尼瑪噶喇克

巴暨兩喇嘛並大小頭目二千餘人出寨跪捧印信乞

免誅戮遂貪生螻蟻固如此聚族將焚語豈誠先是投

悉就擒獲會稱聞逆酋等每言若官軍攻至巢穴窘迫無計即相

聚焚死不肯為官兵所得彼時即以番人之性最忌自  
戕不過故作妄語欺飾以圖狡脫  
屢諭將軍等嚴防今果不出所料  
倏經于役五春秋棧道崎嶇似坦郵棧道雖險較之  
路花紅復柳綠阿誰致悔覓封侯金川則坦途矣夾



脫却戎衣換吉衣龍章示獎特恩稀

郊勞時將軍等俱甲冑觀謁隨行奏

凱而還俾眾觀仰軍容之盛入朝後始解甲易吉服將軍阿桂實為此事首功特賜四團龍補以示優異

心戮力還掄最便解天閑賜六飛

將軍阿桂及副將軍豐昇額參贊海蘭察

並賜御用鞍馬乘以扈行

兵洗金川永不波潢池跋扈竟如何良鄉近遠多黎庶

歡喜都來聽凱歌

凱歌亦豈易為聞五歲辛勤勞眾軍我實未曾安五夜

幾多憂慮與平分

金川平定御午門受俘即事成什

畏威赦罪昔己已借德致俘今丙申真首函呈非或首

生人組繫是孚人

馘字從或從首蓋或者疑辭函首以獻其真偽原在疑似之間至俘字從

孚從人孚者信也執人以來其生獲實為可信六書會意具有深義顧昔人無論及者茲常俘賊並陳適得是

聯天然切對陳儀凱獻聲靈赫偃武歡騰禮樂彬四沐

天恩際時泰

乙亥六月征勦準噶爾先獲青海數會羅卜藏丹津及新投順復叛去策凌孟克之

子巴朗孟克忒木爾等來獻是年十月因平定準噶爾復獲達瓦齊等檻解京師並御午門行受俘禮庚辰正

月平定回部霍集占之首以獻復御午門受之皆賦詩以紀並有從今更願無斯事之句茲以兩金川負恩

反噬不得已而用兵幸賴天祐集勲奏凱且逆西

黨羽全就俘獲實為盡善盡美通計前後凡四舉是典

從此益原洗盈虛默念倍惶寅

卸裝寺文集

卷五

七



四月廿八日紫光閣凱宴成功諸將士

有序

績宣西楚洗兵波靖金川凱叶南薰錫宴筵開紫閣旋蹕舉勞還之典昨朝纔解征衣御樓受佺獲之儀詰旦全陳繫組念徼外棧穿冰雪瘁以五年指壁間米聚山川成於百戰功宜懋賞允茲晉爵加章實稱循名遂爾圖形系贊繫此日同堂之愷樂酬諸臣歷歲之蓋誠酌酒親頒一醕霑殊非易承筐共拜千緡賚亦奚多撫陳迹以增懷難忘視昔幸後來之繼踵益勉從今六章詎曰侈文億載

願言偃武

己巳班師原赦罪

己巳之奏凱非受降乃赦罪彼乃所屬土司逆命則討之服罪而赦之安

得與外夷相提並論謂之受降哉

丙申宴凱信成功樊崇甫以十年叛

耶卡自赦罪之後未及十年即侵擾鄰境念番俗構爭乃其常事遂置不問

莽布奚當六戰

雄蠶食狼貪終弗改雞連鯢取孰矜窮五年宵旰勞西

顧幸覩酬勲禮樂融

郊勞昨還曉受俘禮應凱宴荅功膚修儀偃伯斯宜矣

夜雨朝晴有是乎

廿七夜半後快霽濕露未曉而霽夜雨朝晴最為難得於盛典尤覺相宜

紫閣貌圖俾績顯金卮手賜按名呼

宴間召將軍阿桂豐昇額參贊海蘭



察額森特領隊大臣奎林和隆武福康安普爾普並擇其餘勞績茂著之人及軍機大臣舒赫德于敏中福隆安等至座前親賜卮酒以示優眷

鈺癢著處惘關切念此何敢耀武吾

美諾重征得重易勅圍多戰信多勞

初攻趙拉雖經歲始平及收復美諾

諸境則未旬日而敵事至促浸則層層險阻賴阿桂不憚艱瘁將士奮勇宣勞每因難以奏績前後不曾百戰

詎予隴蜀無已望念彼孽芽有藉媯資哩卡了消雪窟

木思西里化冰槽而今都是光明境屯戍相將事擇樺

上將歸來是近臣

阿桂豐昇額俱軍機大臣兼領侍衛內大臣其餘亦在御前乾清門行走

者國朝多

家法萬年循解兵笑彼一盃酒示澤欣茲滿座春夷樂

寧須闕際侏俘歌合此奏單佞

阿桂等所俘番童有習錫莊及斯甲魯者即番

中儼戲也亦命陳之宴次鴻勳集矣雨暘若祇恐驕生志倍寅

紫光閣峙液池邊為寫戰圖廊展前

紫光閣華開舊列西師戰圖已滿昨

歲展拓前隘以備繪金川戰績命將軍等具稿以進擇其事最大戰最偉者繪之幸矣竟如操

左券嘉哉所賴掌中權揚威擣險重無藉橐劔發弓合

有然五載劬勞信不易一為歡喜一為憐

伊犁回部早成勲又勒畫圖新舊分詎我佳兵不知戢

奈其伏莽敢忘勤

索諾木濟其父惡蠶食鄰封與僧格桑狼狽為奸背恩反噬不得不聲罪

致討今幸成功而追憶艱險不啻痛定之思矣堯思舊績翻因戚多出翹材繼



以欣平定伊犁回部時所繪一百功臣今存者不過什之二撫念慨然今所繪功臣中世家子弟及新進之人頗不乏翹材則又為之欣幸云  
雲  
蒙  
聖母賜膳於寧壽宮喜而成什一韻二首

蒙

聖母賜膳於寧壽宮喜而成什一韻二首

西笮蕝勲績

東朝豫

懿懷膳頒八珍列樂奏六英諧調鼎鹽梅共采薇將士

借皇太后幸寧壽宮既賜余膳並於階下賜將軍阿桂豐昇額暨成功將領之功績最著者

掄二十三人及軍機大臣六人飲食古來多凱宴幾見

賜思齋

母子情牽處憂勞畧釋懷砌花都色喜簷鳥亦音諧賜

雨幸時若孫曾繞

膝偕還期就閒此仍復侍

萱齋

平定金川恭上

皇太后徽號禮成誌慶

五年籌筆合予躬



慈恩日夜同幸值鴻功靖祚徽宜崇

燕喜悅

萱宮欣擎

冊晉和闐玉

平定回部以來和闐歲貢大玉恭遇加上

者琢為之於慶典倍昭尊貴

徽號冊寶即擇貢玉中之最佳  
那數柱題交吐銅

位祿壽名得因

德真堪古史邁其彤

恭上

皇太后徽號禮成御殿受賀成什識懷

夜陰將謂雨侵晨

冊晉慈寧旭景新式禮太和遂受賀叩恩諸將那忘辛

聯班更進百千衆

恭上和殿將軍及成功將士列班謝恩畢

次王公百官宣表

行慶賀禮遂頒詔同志亦惟一二人者定幸逢諸務藏

自銘戒滿倍虔寅

尊藏得勝

靈燾於紫光閣詩以紀事

有序

帥中麾督廟旌軍勝壯風雲之色徼外績成偃伯



兵銷騰日月之光郊臺旣列拜以

告勲紫閣遂尊藏而誌武溯自虎符申命壁壘新而一  
將宣勞因之貔旅同心弓刀利而八旗鼓勇應指  
揮以破險咸勵赳赳桓桓運鈐略以出奇仍合堂  
堂正正艱辛百戰先登則蟻聚就殲摩蕩七旂並  
舉則鷹揚奮擊顧壁間之圖畫建牙稱是英姿振  
地角之鼓鉦展旆知其勇號鞞函媿昔與西陲珠  
飾以交輝燦哉從今叶北斗玉衡而永定

郊臺武定叩

蒼穹陳列

靈旂凱禮雄宜力勤勞資衆將坐謀籌畫賴元戎建時  
吉氣占剛日豎處軍祥符勝風例以伊犁及回部尊藏  
高閣紀成功

蕃劍行

功成俘受甲已歿歸來蕃劍呈票姚西羌尚武相爭鬪  
盈尺利器常繫腰韁韃戎服爲袂褱強食衆暴逞厥豪  
縛雞連足掀波碣究亦何成嗟汝曹徒觀魚腸室飾鮫  
綴以七寶蚌殼雕龜紋隱起星芒昭邛笮寶物斯稱高



匣藏紫閣識勲勞  
光明日月兵氣銷

弄藏所獲金川軍器於紫光閣並誌以詩

有序

邛籠剝淨深林無伏莽之遺  
槃木俘來遠徼有戢  
戈之喜指點戰圖張壁  
懾我威弧檢稽獲  
簠陳庭收其脫帽金瓌已  
拋殘重甲嗤犀兕之尚多  
鉛丸惟懸騰空囊識蟲沙之  
早化短鋒誰佩漫矜  
犴之銛左插何施自斂  
脫光之影蕩兩川而兵洗  
金氣全消鑄九鼎以勲  
銘銅標詎比虎皮韜  
櫝連函用誌武成鳳  
味濡毫長律寧誇文具

出師寧曰圖俘物弄器亦因紀武功  
貝甲蠻刀胥就獲

搴旗斬將並稱雄  
金川金小穴俱掃

兩金川分東西東為小金川西為金

川俗亦謂之大金川云  
白鹿白狼跡豈同  
那肯事平忘眾力  
惟應

泰保慎吾衷

永佑寺瞻禮

下馬先攄瞻禮誠

層樓神御曉曦晶  
屢申此日養

親志敬法

當年避暑情夕惕  
朝乾敢或懈  
勅幾律已戒其盈  
紅旗



三捷歌者定祈

佑叨

恩幸武成

昨歲瞻禮句云永佑即今祈佑者軍營早晚遞紅旗自去秋及春紅旗三捷逆黨全俘武成者定茲展謁之下彌感神御垂麻惟益凜持盈敬承嘉貺於無斃耳

安遠廟

東嶺琳宮接題門各有名匪尊不二法緣繫眾藩情

古蒙

素奉黃教而伊犁之固爾札廟莊嚴特盛尤其所尊禮者仿其制建安遠廟於此每歲駐蹕山莊舊藩新附絡釋鱗集俾之瞻仰斯廟益增歡喜以示柔懷遠人之意非祇闡揚象教也佛日迎薰朗慧雲

收雨征金川茲武定安遠永銷兵

頤志堂

頤志頤

慈志額顏

皇祖留教生即

家法

壽祝擬仙籌夏清日方永山停水自流

懿懷增豫者耆定奏功收

千尺雪二首

雨過溪流漲野灘噴珠峽口落飛湍坐來未可默然置



欲去陳言夏夏難  
憑流耐可小徜徉  
幸罷軍書頻問忙  
戰將歸來談玉壘

此時落雪正尋常  
成都將軍明亮等奏新疆事宜詩以誌慰

險疆費力始平之  
不合仍將俾土司  
兩金川恃其地險  
抗拒大費兵力五

年始得蕩平自不宜復以分給附近土司致日久復滋  
後患因於其境設鎮安營率降番屯墾以裕軍精並設  
成部將軍駐省鎮守歲再巡戍卒輪班撥近地

查彈壓俾番微永臻綏靖  
撥兵六千名前往分駐所居平房  
如法砌築茲據明亮等奏督促工作五月內即可歲役  
降番散處墾荒陂  
兵屯之外並給降番地土酌予種具  
俾資力作茲據奏降番等各將殘毀

礪房自行葺治樂業安居所種秋蕎瓜菜菁蔥遍野氣  
象甚覺安舒如此屯耕編管相制相維新疆自可永期  
寧謐

已看樹藝欣作息  
即寓屯耕相制維永救蠻方靖兵  
火由來萬事在人為

泛月有詠誌懷

泛月本宜夏山莊宜之最傍晚坐溪亭水輪且遲  
去聲待

叶西嶺陰下落東峯巖迴在須臾曦亦隱舉頭素蟾對

暮色旋已蒼寒光頓可愛爰開綵畫舟以遊琉璃界四

山圍明鏡皓魄印其內更思夜明照原包四山外外內

通體淨上下合相  
去聲快恰似邀金田誰云居玉塞昨年



亦斯境而厘籌筆會者定今餘閒適興聊弗害瞿然謂  
失言無逸應恒戒

疊和闐玉琢奏凱圖三絕句韻

去歲曾題琢玉圖何期爲兆卽符乎勒勲紫閣名重煥  
命圖將軍阿桂等五十功臣於紫光閣親爲製贊並繪  
後五十功臣像命儒臣等製贊并倣平定準部回部之  
例懸逆藁街疆已枯

永靖祚疆期善後番耕屯戍悉心爲廻思昨夏拈吟際  
祇盼捷音未及斯

早報石田小有穫

前據明亮等奏番衆墾種  
之地菁葱遍野氣象安舒

誰云兵後

或凶年武功成矣無一事祇切祈豐念永懸

賜協辦大學士吏部尚書一等誠謀英勇公阿桂

六十壽辰

功高殊衆賜冠衣壽日充間耀吉輝謀勇奏平定玉壘  
歸來俾協贊黃扉六旬慶自今伊始廿四考常逾古稀

不說保全勗黽勉

嘗謂史稱宋太祖能保全功臣以爲  
善事夫欲保全之是心中已先有一

彼將有過或我將疑彼之念非待臣以誠之道也君之  
與臣惟願其長享令名以宣猷佐理何必預設保全之  
意哉名同郭令豈其非

樂成閣



樂成雖是額檐楣艱致西成樂屢綏歷夏至秋計以日

日賜與雨幸惟時敢因觀近而忘遠今歲各省雨暘時若可望有秋督撫

等預報收成分數俱在九分以上惟甘肅臯蘭等廿九州縣夏間被旱四川打箭爐七月中猝被山水冲損城垣官廨湖南永興未陽二縣六月內山水陡發傷及民居雖皆一隅偏災並飭大吏率屬加意撫恤毋使失所

自審何修以遇斯更早武功奏者定持盈祇益勵謙寅

中秋節卽事

欣逢萬寶慶西成今歲畿輔及各省俱屬有秋督撫奏報收成均在九分以上遠自

海隅近帝京真悅

懿顏對佳節合陳綺宴愜羣情光聯月宇翫守影響徹

雲璈鹿叶聲更勝去年今夕者免於燈下盼紅旌

入崖口

伊水崖口纔五渡伊遜崖口乃九迴伊遜水自源頭至此凡九曲因得名

伊遜蒙古語謂九也木蘭行圍率由入壁立萬仞一線開一夫當

關萬夫退年年秋獮慣往來成功將士羣扈蹕金川險

問倍此哉不翼而飛附而上堅礪林立無弗摧旣喜旣

懼旣憐憫身異爾勞心實陪

於巴雅爾鄂爾袞溝蒙古王公等進宴卽席得句

巴雅爾者蒙古語謂喜鄂爾袞則寬也昨歲於此

御製詩文十八集

卷五

七



地接將軍阿桂攻克勒烏圍紅旗捷至因以此名

之

歲歲寬溝備宴同每歲蒙古王等公備宴率於此鄂嘉

名增錫識成功仍看列就九駝白宴前例進九白駝為

不收喜其徵瑞也那忘飛來一騎紅將士凱旋多扈蹕金川成

阿桂留京辦事豐昇額係御前大臣海蘭察奎林和隆

武福康安普爾普皆御前侍衛餘亦乾清門侍衛居多

因其久著勞績欒命在家休息數日直至八月初始赴山莊今皆扈從行圍藩屏威仰問從

戎蒙古王公見豐昇額等輒問番地險峻形勢及將筵

前次第陳四事塞宴四事為詐馬什榜相太古王庭溯

舊風

幸西苑接見朝正外藩年班回部哈薩克來使及

四川土司土舍頭人等之初次覲謁者即事得

句

步輦西華西苑巡匪遊圖觀遠徠臣夾衢左右紛迎接

露冕笑言普拊循回部更番久依例庫車三品阿奇木

十三人朝內旗札薩舊稱賓內札薩克四十九旗之蒙

昔爾蒙古賓土爾讀作扈入朝如鴈土爾扈特及杜爾

容以示優異台吉等亦每哈薩克流仰集鱗哈薩克汗阿布資遣使

年輪番入覲



來享來王來賀節土司土舍土頭人

兩金川平定以後其餘各土司羣籲

瞻仰因許其照回部例輪班朝賀今初次來京之土司明正宜慰司甲爾叅德沁等八人及緯斯甲布土舍緯爾甲爾叅等三人士守備加頭等侍衛木塔爾等十一人德爾格特頭目素特納木拉布坦等七人即命成都將軍明亮統率以行茲於西苑門外隨眾夾道叩謁隨傳旨詢慰並加賞品級頂戴及冠服有差

武偃文修世益切盈持泰保寅

撫茲

臣張鵬展恭校

御製詩文全集卷二十九

再定兩金川第五之八

詩四首

紫光閣曲宴即席成什

丁酉

紫閣筵開迓始春每教卜日先

去於人

是日為人民安

物阜期引翼北漠西戎仰集鱗

時朝正新舊諸藩年班回部哈薩克來使及輪

班觀謁之士司等咸集並命與宴

眾土司都欣得所兩金川那更侵鄰

戰圖左右陳前廡

預拓閣之前廡以待紀功今張戰圖於壁

叨沐

天庥倍敬寅



紫光閣錫宴聯句召大學士并成功將佐及內廷

翰林等至重華宮茶宴得詩二首

春醮今年事倍豪

今年紫光閣筵宴外藩命翰林朝觀之士司等咸與且即以此命題聯句

較常年倍盛

重華循例引詞曹歲功自是資提戟聯句何妨

有捉刀

平定兩金川戰勝成功實賴師武臣之力至宴問聯句不妨人代為之且邇年新正聯句皆預

擬御製句成其餘則命內廷翰林以次擬就臨時填名即外廷詞臣亦非其即席自作也

駭已從而

筮已定樂斯淑以禮斯陶莫教容易看嘉會去歲攻圍

正爾勞

昨歲此時阿桂等正督兵攻圍噶喇依

聯情賀祚有前聞豈是無端宴樂勤祇以茶行弗用酒

亦如武偃必修文松撐雪榦連冬喜梅放春葩迎午芬

咨爾規應過於頌體予懼實勝乎欣

新正紫光閣錫宴聯句

有序

紫光雲縵展楹欣景麗韶光玉壘氛銷畫壁看氣

劇堅壘憶昨丙申宴凱彤弓歌繼庚辰逮茲丁酉

示慈石鼎聯依辛巳時則春來十日雪積三餘冰

涵太液以凝膏斗指孟陬而輦漉值鴈臣之鱗集

舊藩偕新部朝正恰虎衛之鏢連列將次元戎侍

蹕矧復羣番效順彼土司屢顙瞻天因教每歲更



班我將軍初携遵道宜合申夫燕衍俾咸觀夫龍  
光指閣上之圖形褒鄂之弓刀共識撫筵間之環  
座漠濛之琛賚同陳嘉三爵以油然奮勇難忘百  
戰快一朝之萃止運籌幸慰五年本不得已而用  
兵惟願從今偃武乃莫之為而邀

佑所期長此持盈顧同堂既叙其功而即席應書其事  
爰掄廷案兼召詞臣授簡分行適備雲臺之成數  
連籤得句迴殊薰殿之零篇長言傲七始之華抽  
思寧辭乙乙平韻兆八方之晏符占還叶庚庚自

出師以及勞還詳其梗概舉寔蹟而成雅什屏厥

鋪張對

景命以生欽朕躬非徒為需樂泰交之象際盛儀而志  
喜爾曹尚勿侈豐亨豫大之詞也哉

御製紫閣拓寬前廡楹豫為之兆果符貞甲午夏展拓紫閣前楹以備

平定兩金川張列戰圖之用茲果叶貞符應教春醮繼凱醮

所愜今賡例昔賡庚辰春平定回部師旋於瀛台

掄功臣之尤著者并集廷臣外藩慶紫光閣落成

宴於此即以命題聯句茲如其例臺上雲紉掄  
將佐筵間露漚逮公卿酬庸寔乏鉛刀割臣舒德延



賞貌慙弱翰肇人越箝關兼熨道班聯北漢及西瀛來

朝領袖星郵置

土司等分班入命成都將軍明亮統之而行

觀自今歲始即

臣于

專闔馳驅雪棧榮幸奉

遠謨

臣職最何期

渥典

主恩榮已叨杖杜沾三雅

臣阿桂

共對芳椒侑六莖幾隊

冰嬉陳

太液一番花信亞元正

是日為元正旦後五日却宜

慶澤敷豐澤

臣屈景伊

御製為撫鏗鯨溯翦鯨赦罪誰知還偕德畏威竟是假投

誠養癰寧可聽一再

滋蔓那容肆合并兇逞狡謀思狽附孽遺醜類更

羶生屢經文告無知抗

臣福隆安

遂試軍鋒不讓征

格

桑與索諾木狼狽為奸侵擾鄰近土司

上初

意以蠻觸相關不值加兵及屢經阿爾泰董天弼

等往諭逆會違教逞強並敢負思抗拒勢不

得不聲罪致討而其事非阿爾泰所能了乃

命溫福自滇移兵赴川為將軍授為大學士攻其

西路並命桂林代阿爾泰為總督從南路統

兵勦巴朗劈山披外戶達圍破竹讐先聲

至西路即攻克巴朗拉地歸蠶食卡了廓

桂林師進南路乘勝取達圍



等寨并復革布什哈 巢復鳩居資哩傾 溫福既進 臣豐昇額

格桑遂將木關壩鄂 鳴角震從南路入 桂林為宋 元俊所誤

因罷之而 命參贊大臣阿桂統兵從南路入 王辰十一月阿桂出其不意連克翁古爾壘及僧

格宗十二月初即克收美 收禽械致比風迎 溫福 諾遂授為副將軍

路頂宗進至美諾時僧格桑已遁溫福即統兵追 至布朗郭宗僧格桑復從美臥溝竄入金川遂擒

其父澤旺 遣誅未許依唇齒 臣明 濟惡公然託舅 檻解京師

甥 僧格桑挈眷竄入金川逆會索諾 便整兩甄翻 木匿不縛獻因移師并勸促浸

窟穴俄逢重險斬溝阬 溫福阿桂由功噶常噶分 兵准勦溫福因卡撒一路 賊人截隘不得入乃移兵昔嶺 賊眾劃險固拒屢攻未能寸進 覆轅詎意無完軫

溫福調度乖方致為賊人窺伺潛約降番 直襲大營致有水果木之失 臣海蘭察

御製移壘猶欣有列營 阿桂在當噶賊眾不 儻事因之易 敢侵犯遂全師而出

良將鑒前爰復調精兵 命阿桂為定西將軍總統軍務 且以水果木之事由綠營兵怯

備所致因簡調健銳火器兩營及吉林索倫 美諾 平聲 黑龍江勁旅七千餘迅赴軍營重籌進勦

克復不旬日 癸巳冬阿桂復整兵由西路日隆寨而入 未及旬日即收復美諾及小金川全境

促浸徂攻各首程 八旗兵既抵軍營而各省續調 之兵亦全將軍阿桂統而由西

路進攻並 命明亮為副將軍攻南路而 副將軍豐昇額等在北路宜喜相機合勦

據梁批厥口馬尼奪寨斷其樞 甲午正月阿桂等 攻估谷噶了口山

梁已據西路之險大軍得以采入明亮是時亦攻 克馬尼絨布等寨可圖進取兩路之捷皆因八旗



勁旅奮勇先登綠營亦知八旗突進九封裂臣英

觀感激勸共相效法用命凡遇險峻之處繞歷色湖乘雨

九折潛緣髮路爭皆超越而過繞歷色湖乘雨

霽阿桂於三月初始稍霽遂簡派將領繞歷色湖乘雨

乘勢下壓色湖時賊眾并守益繞歷色湖乘雨

普盡克其碣力六月廿二日繞歷色湖乘雨

阿桂令參贊海蘭察等於夜半月未出前銜枚前

往設伏各隊並集天尚未明而喇穆喇穆大碣盡

為官兵攻得官兵既得喇穆喇繞歷色湖乘雨

鐵賊甚眾穆山梁復於六月繞歷色湖乘雨

日五日乘濃霧中攻襲日七月繞歷色湖乘雨

則了口克之臣曹秀先捲籜維吞滴博城中阿

達什諾大木城布未進繞歷色湖乘雨

上命其分兵至正地而入或可攻其無備及明亮

至正地偵知賊人已於此路預防遂移趨西路欲

與阿桂合勦俄坡簡銳剷擘嶸明亮既至喜時豐昇

而韓斯甲布土司等以營中現無將軍懇求明亮

駐彼以壯軍聲且願效前驅七月初明亮派奎林

和隆武等分兵七路乘大雨中攻得達枯骸獻出

爾圖山梁一帶碣卡並克俄坡等七碣枯骸獻出

朱髦驗逆會索諾木等見官兵深入賊勢已蹙遂

獻出僧格桑逆屍其髑髏紅髮數莖猶可

辨識云僧格桑之妾側累及

臣蔡新僂拉黨惡頭人七圖

按都爾蒙回河雖獲亡猿林肯貫難寬漏網釜將

什咱亦并縛獻雖獲亡猿林肯貫難寬漏網釜將

烹促浸逆會雖獻僧格桑

展圖歷歷如斯指其處傳示阿桂等令其酌量籌進

臣稱上披閱地圖親御丹毫識

即製寺之...



御契算迢迢似宿盟阿桂等於未奉批示地圖之前奏到籌畫進攻地勢與所指之處適

相符合久對堅碣阻瞻憶別尋捷徑鼓鞞鉦因攻日爾八

當克阿桂欲取遜克爾宗久未得便九月中因繞上默格爾山梁攻克日爾八當噶并通凱立葉官兵已

得地勢遂有把握矣

稍憩密拉噶木行阿桂既克日爾八當噶嶺接沒

金凭疊嶂阿桂既通凱立葉一路復於十一月初

作固頂沒爾金岡各處碣卡攢康薩隔連坪

木之南為康薩爾賊人礮卡如林悉排鎗勢比騰

其醜類同守與官兵營壘隔溝相望蛟迅

守伺臣袁躡頂威同搏虎攫乙未正月十一日阿

等分路進攻超越重壕舉鎗注矢合力奮擊康薩

爾一帶堅碣賊人傷多氣餒官兵振臂一呼直躡

礮頂山梁所有礮卡無不摧破其殲勒吉羣峯空

勦未盡之賊紛紛潰逃皆墜崖而死勒吉爾博山梁在康薩爾

哨聳木思單徑漫撐撐勒吉爾博山梁在康薩爾

巢屏蔽中間了口為木思工噶克賊據險守禦意

官兵必不能越過四月中阿桂部署精兵即攻力

勦遂得了口木城賊退守下巴木通官兵乘勝順

歷自下巴木通而下百餘礮寨之賊無敢支拒者

其勒吉爾博羣尼來珠終朝轉戰仍餘怒官軍攻

得式替各寨亦悉攻克木思工

噶克時賊屢衝突我兵一日之間三歲收功匪妄

接戰七次殲賊無算臣奎林

評阿桂奏既得木思工噶克望見北路官兵亦

宜喜而下克得楞等處謂一日而收三年未竟

之功甲索日旁全境肅明亮因達爾圖之路為賊所

阻商之阿桂謂當仍由宜喜



進攻四月下旬派西路兵一千令福康安帶往攻  
 克甲索稠卡海蘭察亦往會攻合力并擊遂克撒  
 撒谷其日旁沙壩等處賊眾皆棄稠遁  
 去河西周圍五十餘里寨落悉行焚燒石真沙尼  
 上夾河平五月間明亮克取額爾替稠卡下至平  
 聲復進攻石真噶寨克之阿桂亦派兵  
 沿河從赤爾寨攻打隔河之沙  
 降魔淨洗番僧穢  
 爾尼一帶兩岸夾擊聲息相通  
 噶爾丹喇嘛寺為勒烏圍大廟番僧住此者皆行  
 紅教且代逆酋拒守為賊巢門戶五月初阿桂遣  
 兵攻克其寺番僧悉潰竄賊  
 更失其險矣臣和隆武  
 繼勇  
 深嘉後路清阿桂攻得噶爾丹喇嘛寺等處居高得勢  
 以遜克爾宗在我兵之後爾之非計遂派  
 兵三路分進將其地上下不礙木城悉行攻克是  
 役也豐昇額督率之力居多上命於其所襲  
 果毅公號下增繼勇二字嘉  
 其能紹乃而額宜都之績也  
 炳熾又看雙寺破月七

間阿桂繞道進攻蓄則大海昆色爾章噶榮噶爾  
 博各處賊稠並焚燒拉枯喇嘛寺冷角喇嘛寺  
 緹拖那復巨橋橫勒烏圍墻垣高固賊人守禦甚  
 曲石卡與賊巢互相犄角鎗礮俱可相及其河有  
 大橋曰甲爾日驟為賊人陸路通衢而賊眾皮船  
 過渡往來亦易阿桂既壓賊巢沿河而南拏柵邊  
 賊復於楚兵內募善泅水者潛於水底縛巨索橋  
 柱上扯拽令倒於是  
 東薪囊土徐蒲伏阿桂以勒  
 賊人水陸俱斷矣烏圍旁高  
 勸陡削兵力難施令官兵頭戴柴捆攜牌手推沙  
 囊匍匐而行至礮沿層層堆起趕列三層高柵以  
 擊礮下之賊高礮八層均經  
 官兵逐步搶佔臣福康安  
 御板柵梯垣倏潰驚八月十五申刻阿桂先派官兵埋  
 賊亥刻令額爾特等攻其近北木城官兵板柵踴進即  
 時攻克海蘭察等復自東南進攻普爾普等攻其南福



康安等攻其西北五岱攻其東北維時四面合攻呼聲  
 動地擲火彈如掣電官兵攀援上登峰擁齊入賊衆膽  
 落潰逃被殲者亦復不少勒烏圍官寨既克仲月中秋  
 其轉經樓及旁近碉卡六十餘處亦悉攻得

掃官寨八朝上塞遞紅旌官軍於八月十五日馳奏紅旗廿四  
日丑時即遞至木蘭行舊藩新部齊稱賀是時諸札薩  
在計在途甫八日耳

附之士爾扈特貝子沙拉扣肯皆扈  
 從行次早並於和門歡呼叩賀

喜谷寬溝肇

錫名

是地木名額爾亥溝因得捷音特爾之名蒙古語謂喜爲口雅爾額爾亥寬也

賜巴雅

加

服袞章垂赭帶飾冠瓊寶耀華纓執桓豫擬崇銘

鼎

臣梁國治

傳箭惟期速釋弮

紅旗奏至軍阿桂不辭艱瘁奏績

上以將

寔爲首功將來宜授以一等公爵並先

命其子侍

紅寶石帽頂四團龍補服金黃帶衛阿彌達齋馳遣往

恩浹行間增黽勉

時降

旨將軍參贊及將校等交部優敘兵丁各賞月銀

寵承徼外益碎甸索隆削壁螺旋縮

將軍既克勒烏圍即當直取科布曲

而賊人阻河據山固守峯巒如削難以力攻必繞  
上中間之索隆古始可乘勢前進自九月至十一  
月阿桂統率將士由當噶思克底而上節次攻得  
西里及卡布角等寨落遂分兵潛上索隆古賊人  
死力迎拒皆爲官軍擊敗即據其寨  
賊因退回得木巴爾拒守  
臣和坤

堙振官軍轉戰而上隨處作木柵據守逼近科布  
曲山梁十二月初阿桂先令將領攻克勒隈  
勒木通而賊尚堅守科布曲海蘭察福康安等分  
路上攻又派兵繞出碉卡之上向下衝壓遂盡克



科布山正梁各解瓦兜窩斃斗建科布曲之下格

兜窩賊憑碉堅守藉以聯絡前後之勢官軍於黑

夜由深籌潛上設伏至是忽起攻入格隆古賊人

望見皆震駭潰走遂併克之尋復攻破朗阿古安

布魯木等處而噶爾噶木勒烏溝寨落亦同時掃

殄益據建挫枯則朗稿飛輕則朗噶克了口為噶

餽之勢矣喇依要隘阿桂統兵

直搗賊皆披靡不能阿桂出了

當於是乘勝采入雍中併取猷逾壯

山梁十月十七日派將瑪爾古當噶口噶噶占

悉行掃蕩進克舍齊喇嘛寺次日並取雍中喇嘛

寺賊人各處之險俱已盡失獨古兼芟氣亦勅

惟困守危巢矣臣沈初

於十二月攻克獨古木上下諸寨賊皆奔竄稍

有抵拒者皆為官兵鎗箭所殲山梁一帶八十餘

里中寨落悉行洗劫並取乃當甲雜密密周陸環

將河西諸賊掃清過河與阿桂會合

犄角森森列戟靖欃槍阿桂於十二月十九日抵

水陸竄逸之路明亮等亦於游魂鬼使奴奔鹿

河干圍剿以成犄角之勢是

索諾木之母阿倉姑阿青等在河西之甲納雜爾

御製奪魄

天驅族聚魁時索諾木及莎羅奔兄弟并助惡之大頭

逆會賊黨罪惡貫盈是以謀藉元戎洵允當力資

天奪其魄驅之一處以就擒也

副將共殫精阿桂攻勦所至籌畫悉合機宜諸將領亦

大臣海蘭察領隊大臣奎林和隆遂圍噶喇依四面

武福康安普爾普等尤為超眾



早恂莎羅奔眾情官軍既圍噶喇依索諾木束手

亦皆惶懼計窮惟羣無策莎羅奔及丹巴沃維爾等

避雷轟官軍合圍以後賊眾仍以鎗石支拒數行

逆黨共謀如官軍圍急便擬聚而自焚或用火藥

轟斃如逆會等果計出於此尚不得謂之盡善及

我兵奮力攻圍賊仍偷生倖免因見大礮神威礮

垣將圯乃羣穴地而避皆由賊眾罪深惡積為覆

載所難容不肯聽時促浸黨惡

其得逃顯戮也頭人布籠普

阿納木等先後詣營出阱投籠晒逆兒

求降臣彭元瑞遣人回巢招諭索諾木乃遣其兄岡

達克明楚克先後來營皆就拘繫會勦日纔四

十翌籍降數紮二千阿旺等進圍益急賊勢日

水道賊愈恇懼二月初四日索諾木遂率其兄弟

莎羅奔甲爾瓦沃維爾斯丹巴及兩土婦并助惡

之大頭人丹巴沃維爾阿木魯綽窩斯甲尼嗎噶

喇克巴偕兩喇嘛率屬二千餘人出寨逆酋跪捧

印信率眾泥首乞降罪人斯得遂分撥檻解生人

禪告恰邀

申右命

上以噶喇依既合圍蕩平在邇於二捷聞

倍速置傳伴

軍營六百里加緊文報計十一日始

檻是乎人摯

真首函非或首盛時索諾木等

級俘馘同獻上以俘字從乎人馘字從或首

必如此次所獻乃信而可徵詳見御製受俘

月初旬獨吉

躬謁

兩陵告功

捷聞



月十二日未時  
遞到僅入晝夜  
繖鋪松葉重簷翠  
臣劉旗颺桃花

一片蘋  
是日駐桃花寺  
上祇謁  
行宮紅旗適至  
東陵  
上歸功  
迴蹕

聖祖垂佑賦詩恭紀  
松高僅及尋數蔭十餘丈豐茂葱蔚寔  
孝陵前有織  
國永億

萬年景運洪長之激見  
孝陵詩  
泮水芹香陳俎豆

御製恭謁  
上謁  
皇太后東巡  
成  
闕里  
駐黃新莊

郊臺鏡吹叶竽笙  
東巡旋蹕  
駐黃新莊  
郊勞成功將士是日所用凱歌三十

首皆御製

受俘仗轉胥依藻  
上御午門受俘禮成即

製飲至筵開及薦櫻百戰辛勤真可憫中宵籌畫那忘

忤策勲錫爵遠云靳  
將軍阿桂封為頭等誠謀英勇公

繼勇名號者再賞以一等子副將軍明亮封一等襄勇

伯參贊大臣海蘭察封為一等超勇侯參贊大臣額森

特賞以一等男領隊大臣奎沐本係公爵加賞一等男

領隊大臣和隆武本係子爵晉封三等果勇侯領隊大

臣福康安普爾普俱賞給三等男大學士于敏中賞給

一等輕車都尉均世襲罔替其餘將士及各項應予敘

賞官員人等俱著  
該部從優議敘

偃武修文莫與京  
御製受俘詩有陳儀凱宴  
聲靈赫偃武歡騰禮樂彬之句

萱祀迓釐

徽號晉

鳳樓普澤

御製詩文集卷之三



詔書宏

后徽號冊寶

上以平定兩金川蕞功恭上

皇太

恩畢

御太和殿將軍及成功將士謝

願詔天下

革鵝食

樞齊編戶

臣陸

佩犢安屯協耦耕

兩金川降番解京者並於香山

安插隸之健銳營而促浸趨拉之地則就其遠近

設鎮安營令綠旗兵分駐

將軍統轄之並擇番人之馴謹者董以土官編列

戶籍與營兵相間耕屯以資贍給凡前此不毛之

壤今皆青葱徧野羣番

聚米山川原

在幄畫灰鈴略獨

持衡勝圖詳繪高張壁

上以諸將士百戰辛勤其勞績應與表著預

等擇其地最險而功最多者分繪呈進

院繪為大圖張之

紫光閣壁並令各自為圖凡

十六幀

御書紀事各詩於其上合裝成冊亦弄閣中

臣朱珪

靈燾尊藏什襲

以將軍等得勝靈燾合篋尊藏

御製詩以紀弄之

所獲金川軍器等物亦製篋收貯以誌成功

贊邁凌煙添濟濟

命仿西師歲績之例畫五十功

就其事實各為之贊迥非凌煙圖書所能媲美且

繪其次五十功臣

倍於

銘超入蔡陋錚錚

御製告成太學碑文並勒銘美

巍照耀遐邇至

彼乃中原節鎮不過一戰而克今兩金川僻在微

外恃其險遠我將士奮勇宣勞身經百餘戰始得

蕩平相去奚啻霄壤彼韓愈之碑又何足彷彿萬

御製告成太學碑文並勒銘美

文煥功



一昨緣足食通夔舸四川本屬產米之區金川用

和買督臣請停商販以裕儲胥昨冬大功將成饌

米充溢特敕弛夔關之禁令估舶銜尾而下

既不使蜀中有壅遏之患且上年江浙偶值歉收

軫蜀氓

上籌辦軍需發庫帑六千餘萬兩絲粟不

各給以雇值然究不免稍用其力是以川省緩徵

蠲免之恩歲凡一再沛且經辦軍需各省百

姓亦竝荷優施稠疊五載幾經需以險金川

萬年常保泰而亨捧觴竊喜

宣慈惠

臣紀

御給札其毋頌聖明事後追思越深懼衆前今謂信難

成仰蒙

昊祐鴻功歲益勵敬勤若奉盈



臣張鵬展恭校

御製詩文全集卷三十

再定兩金川第五之九

詩三十六首

閱武樓閱武因成六韻誌事丁酉

節前閱武甸塲寬組練生光了弗寒可勿用仍要以備  
不忘危敢恃其安新疆舊部茲同扈北貉西戎許並觀

大兵平定兩金川以其地安營設鎮而令其餘各土司  
分年入覲俾益懷德畏威茲初次舉行派定明正等十  
八處土司土舍頭人共二十四員名命成都將軍明亮  
攜以入朝與朝正外藩及年班回部並哈薩克使臣等  
同與朝賀宴賚適於閱武樓閱武因命舊藩新部  
及此次瞻謁之士司甲爾參德沁等皆得與觀  
破險



衝鋒或經見通年攻勦金川我八旗將士越險摧堅勇銳百倍番衆等皆見而畏懼至若滿洲兵

行陣嚴肅簡鍊精強則正旗堂陣俾初看銷兵氣共陽其昔時所未聞見也

和寧訓旅心殷揚覲難示義方還頒禮賜閱武禮畢所有在事之將

校兵衆等皆武臣莫重詔登壇循例行賞

祈穀齋居疊去歲舊作韻

去歲捷希候去歲此時正當阿桂等攻圍今年功歲時鳴喇依將得是以盼捷尤切

無非賴

天助益覺凜予思紫閣戰圖畫彤墀齋宿詩事平惟望

稔祥正肅青旗

上元燈詞

上元三五自年年却每艱逢望夕駢上元自應正月十五而望則或在十

六或在十七今歲豈是靈臺巧位置月天子愛此宵圓望夕恰值十五云

去年仍此盼紅旗昨歲此時阿桂等正當攻圍鳴喇依賊巢成功可計日而待是以慶節宴

賞惟盼今歲早聞凱唱詞諸將歸來都侍坐張燈歡樂捷音

合同之

金曦西影入三商銀樹當場列萬行延壽戩禧頌吉語

朗迎

鳳宸獻嘉祥



怡值請安來北漠

新舊諸藩年班回部及四川各土司俱以朝正來京而哈薩克阿卜賚亦

遣陪臣鄂托爾齊等請安

適至並令其列坐觀燈更欣偃伯靖西戎爆雷花箭

一時發訝似堅礮用火攻

踴躍朝正各土司樓前節物俾觀之三班起舞擴誠悃

土司土舍頭人等願各於筵前起舞以申感戴因令按次列為三班軒舞踴躍其歌曲雖係番語譯出皆祝嘏之詞嘉其誠悃分等以絲幣厚賚之眾皆叩謝歡忭而退譯出原皆祝嘏詞

西樓歲歲豫

慈情輒榻升樓若履平

軟榻仿御園侍宴觀燈始具以奉皇祖時之制昨於

聖母今則步履之勞御陟梯亦如平地千朶蓮花燃萬葉

一年一葉介釐呈

煜煜高盤呈五色紺紺列炬纈雙葩須臾東壁銀蟾湧

倒映西山一片霞

燦爛三山駕六鼇聯情中外足摘毫笑他金盞燈輪豎

光福門稱廿丈高

正月十六日小宴廷臣

去歲紅旗盼節後今朝綺繡賜幾閒由言無易一日樂

軫念有懷百戰還

阿桂豐昇額明亮督兵攻勦兩金川不辭艱瘁閱五年而大功始成海蘭

察奎林和隆武福康安普爾普皆身經百戰功績尤為超眾因並命入宴以獎之卜晝未燃九



華炬迎蟾先看六鼇山武成事事皆如意可識吾猶惕  
此間

無須耗磨俗談傳翼節需雲例合沿九寓豐穰誠幸矣

一家中外豈非然既因扎薩兼京職喀喇沁貝子扎拉

大臣放漢貝子羅卜藏錫拉布喀喇沁貝子瑚圖靈阿

皆為理藩院額外侍郎巴林額駙德勒克敖漢額駙彭

蘇克拉克什皆為副都統並以便可聯茵預列筵況有先

扎薩克而兼京職因得與宴

生教漢讀作音彭蘇克拉克什好讀漢字書頗通文藝欣

看七字竟成篇

秋仲恭祭

社稷壇禮成述事

每歲

春祈奉今年

秋報承每年春祭社稷俱親詣行禮秋祭時以行

未舉秋蒐之典故幸無值二醜惟有祝三登壇外

得躬承秋祀

獻功罷昨春平定金川俘逆酋索諾木等解京

壇中奏樂應社稷壇門外行獻俘告功禮

也禮成詠良耜御前導引及鹵簿大駕則樂設而不作禮

用白居易新樂府成五十章並效其體恭錄一首



縛戎人 達窮民之情也

縛戎人不是戎人質漢人鄉買涼原沒落蕃皮裘毛帶  
束繫身牧羊飼牛多苦辛冒死奔逃欲歸漢忽逢漢軍  
出拜見却被將軍縛作蕃同彼真蕃作俘獻有詔赦死  
徙南方離却蕃鄉投蠻鄉蠻鄉言語本不解有苦誰訴  
淚萬行涼原故地不得歸蕃中妻子歎別離較諸真蕃  
更增苦窮民之情誰達之居易作歌良有以邊將冒功  
率如此縛戎人聽我今歌縛戎真促浸官寨噶喇依大  
兵四面重重圍據高壓下逐步進奪礮破柴力不遺神

器火攻賊益懼土囊堆積聊避危

定西將軍阿桂攻剿促浸至噶喇依督兵

四面圍攻疊用火礮轟擊所向摧圮層層逼進奪礮破  
卡復剿賊取水之路番眾絡繹來投皆言高厚礮墻俱  
為礮穿透其寨垣坍塌者復壓斃多人逆酋膽落因寨  
踞石峰之上不能穴地而避遂以土囊堆積護墻迨攻  
擊益力索諾木兄弟及其助惡大頭人丹巴沃維爾等  
計窮力竭乃率二千餘人面縛乞降即解京獻俘以獻  
斯復斷水路艱取汲立待朝夕成掃犁乃羣面縛蕃城

出牽羊肉袒難恕其亦有漢人則實逆兵降賊者

張坤忠以

內地營兵盜竊軍營火藥逃入促浸轉為賊人設謀畫  
策及官兵攻圍噶喇依賊勢窘迫阿桂向其勒索逆酋  
等遂將張坤忠縛獻時當巡幸山左令軍管派員解  
赴行在疊加刑鞫逆犯供吐伏辜即令誅磔示眾  
營示眾正法明凌遲是皆同聞共觀之實事豈如唐代



冒功屈陷以詐為巡歸郊臺奏凱宴獻

廟獻俘歲禮儀縛戎人由今視昔非同彼縱有香山之

才奚為辭

過南嶺閱武禮寶相實勝諸寺疊癸巳舊作韻

重問罪金川有征辛卯始丙申遂蕩定數典實於此

己年初定金川立健銳營建實勝寺於此及辛卯歲重

征金川至丙申年蕩定曩時訓練精銳果能出力用奏

膚功而寺亦各與貫稱今

來瞻禮益深追溯之思云而此未識詠則過數年矣清

明舉上

陵迴塗香山止 癸巳年駐蹕香山閱武兼歷諸寺作詩

不可忘曰

思曷能已寶相肖五臺曾以祝

展禮 此用賡前韻以紀成勞餘暇過南嶺松蒼復石詭曰武

釐抵 曾於辛巳年恭奉聖母展禮五臺敬祝

之餘益深依慕耳 本擬藉其佑孰謂捐子恃歲月不少延

雲山別甫邈回首望西南景仰徒成企一心實茫茫五

字空爾爾粘壁賡前韻誰問斯和彼

策妄心藏詭計尤潛兵擾藏逞奸偷



肯因姑息從羣議

定與勦除籌遠猷 康熙五十九年正月 皇祖聞策

多卜至藏佔據藏地毀其寺廟散其番僧即欲派兵安

藏而滿漢大臣咸謂不必進兵 皇祖以此時若不

進兵賊寇無所忌憚或煽惑沿邊諸番部將作何處置

耶因 諭安藏大兵宜速前進 授都統延信為

平逆將軍護軍統領噶爾弼為 頻疊紅旌奏洪捷宣揚

定西將軍統兵分路前赴藏地 黃教奠遐陬

是年十月噶爾弼奏報八月初四日率官

兵自拉甲前進王師所至望風響應取

喇嘛百人內有策零敦多卜授為總管之喇嘛五名即

戮於軍前隨撫綏土伯特人民悉令安輯復據延信等

奏報大軍於八月十五日駐營卜克河其夜策零敦多

卜率眾來犯擊敗之奪其馬匹器械二十日兵次齊墩

郭爾爾夜半有賊兵二千餘來襲我營我師嚴整備禦賊

衆不能抵敵遂奔北二十二日兵次綽瑪喇其夜五更

有賊千餘劫營因營中四面哨兵鎗礮矢石齊發賊兵

被殺身死者甚多餘皆望風而遁次日策零敦多卜亦

即率眾逃去又派兵送新封之達賴達麻進藏自此藏

黃教益盛

金川掃穴諸番讐即敘西戎拓坦郵 川兩金

服屬土司乾隆戊辰金川會郎卡跳梁不靖隨派官兵

往勦郎卡窘迫乞降遂赦罪班師甫十年而郎卡即與

草布什咱等土司構釁其子索諾木兇悖尤甚自恃人

衆力强與各土司稱兵迄無寧歲余以為蟻鬪蠻觸不

足以勞王師因命地方文武大吏隨宜彈壓大吏惟欲

省事每示寬縱逆裔轉以為不足懼與小金川之僧格

桑狠狼為奸侵奪附近土司且敢負恩抗拒不得不加

兵征討而此逆不除各土司必為蠶食且恐梗我藏路

乃阿爾泰怯懦無能因授溫福為將軍由西路進兵交

復鄂克什侵地時阿桂為叅贊亦自南路攻克美諾曾

格桑竄投索諾木因令溫福由功噶爾拉阿桂由常噶

爾拉分兵兩路進勦金川而溫福措置乖方為賊所窺

御製詩文集卷三

卷三

二

六



何竟致債事喪師美諾復失因命阿桂為定西將軍尋  
即收復美諾統兵由谷噶進勤豐昇額明亮為副將軍  
海蘭察舒常為參贊福康安奎林等為領隊兼派京  
兵奮勇直進每從間道破險攻堅會僧格桑已死逆酋  
獻出其尸乙未八月十五夜阿桂攻破勒烏圍連取賊  
人卡寨而明亮等在北路亦攻得宜喜山梁以次進取  
十二月西路官兵攻得雍中舍齊兩喇嘛寺於十九日  
兩路合兵圍困噶喇依賊寨賊屬紛紛投出至丙申二  
月初四逆酋索諾木窘迫無計率其屬眾出寨叩降阿  
桂等派員進獻俘載一面奏報捷音紅旗馳到適當恭  
謁 景陵之日實賴 皇祖默佑其詳  
己見平定金川告成大學碑文茲不復綴

右

### 聖祖平定西藏

勝亭卽事 己亥

攬勝構山亭其形遂肖勝

亭蓋肖方勝為之謂二方相連環也

木工呈其

巧却忘著相竟我昔亦偶登詩寓捷音聽

壬辰春登此亭適得桂林

奏收復金川侵佔草布什咱故地殲戮賊番甚多之捷報因題詩云適接西川郵恢復番之鄙所期殲渠魁小勝何足喜之句又四年 茲已凱歌奏武成久耆定重登

豈無思乃在怠與敬丹書示明訓敢曰逞遊興卽事每

自反學業於焉證

致遠齋有會

香山勅政處其名致遠齋致遠在慎近九州一心懷卽  
以遠言之所致亦廣哉準夷及回部何啻萬里開十爾



扈歸順久矣鴈臣陪準部回部以次平定拓地二萬餘里大臣駐守其地各部酋長受封

奉職咸隸版圖土爾扈特汗王等亦率屬歸順授地安居每歲更番朝覲與內札薩克無異金川更

報捷屯種羣番培兩金川削平後於其地設鎮安營督率番眾耕屯樂業永資綏靖西

藏高行僧茲復祝壽來西藏班禪額爾德尼梵僧中之高行也以明歲為余七旬萬壽

欲來稱祝此非可以強而致者因俞所請遣人迎之於明秋先至避暑山莊俾蒙古王公咸遂瞻禮實難得之

盛事自問得何修

天貺蒙優恢那更敢勤遠知足其言該

中秋日作

塞苑中秋兩度違依然圓魄發清輝酉年此日收烏什

未歲今朝克勒圍乙酉二月烏什小伯克賴黑木圖拉等聚眾生變明瑞時為伊犁將軍聞

而赴援即命其督兵攻勦賊眾拒守六月會勢漸窮蹙明瑞掄銳登陴奮擊遂於八月十五日攻克其城烏什

復平定西將軍阿桂統兵征勦金川所向克敵乙未秋進薄勒烏圍其地為促浸最要巢穴寨密碉堅阻河負

礮阿桂相機布置官軍如法築柵泗水拽橋設伏選勇分攻至夜半眾皆蜂擁而入殲賊殆盡遂克勒烏圍亦

八月十五日也勒烏圍急讀之則為勒圍敢謂話戎繩是均於此度節籌軍務而在木蘭聞捷者

祖烈那重養志侍

慈徽每逢佳節思

親倍句憶右丞淚暗揮

紫光閣曲宴外藩即席成句 庚子



紫光曲宴遠情聯戎已曾經罷二年可再停筵眾顯若  
勉教御座越悽然順時八舉斟風俗列席三巡侑管絃  
和樂不忘詰戎意戰圖兩壁繪金川

郊臺

迤邐向南程郊臺觀面呈丙申斯再叩  
丙申歲阿桂等平定兩金川凱

旋時仍視庚辰春北惠等平定回部凱旋之例行郊勞禮但庚辰初創規模丙申則臺已釐成其舊設幄次者亦已為亭座矣孟月重去聲經行屢獲

旃幪佑敢忘乾惕誠諸藩扈清蹕益切撫柔情

上元燈詞八首 辛丑

都稱三五上元宵置望靈臺遲兩朝  
是月十日始望謾議圓

輪錯佳節示冲本意正高標

一點飛烟瞥眼過諸天花雨雨  
去聲婆婆放光舍利應如

是縮地何殊摩竭陀

齋鈔會聞賜母賢一時佳話帝都傳  
明通紀載永樂十年元宵賜宴聽臣

民於午門觀鼇山三日時尚書夏元吉侍午門豈是觀  
母往觀上日賢母也命齋鈔二百錠賜之

燈所斯事吾云未合然

回部番官罷遠行興州曾是仰光明  
昨歲仲秋於山莊行慶典各蒙古扎

薩克喀爾喀杜爾伯特土爾扈特及回部各土司等均於萬樹園賜觀烟火今歲上元惟蒙古喀爾喀以年班



來者仍與宴賜觀烟火其杜爾伯特等部落皆遠均先期降旨免其今年班扎薩

仍聯席不藉調停典屬情蒙古丙扎薩克喀爾喀皆世為臣僕各按班聯威儀整肅

以視唐書所稱突厥使與蘇祿使爭長典屬為東西設幕以調停之者不可同日語也

去年冰戲吟行館今歲踏歌聆御園傍晚紫瀾風定處

西樓景物祇依然

粵宛高高爭碧虛庭前百戲遞陳諸須臾一片銀蟾上

燭朗星輝總不如

火樹星毬紛熠煜釐山貝闕聳嶙峋八章詞置三年整

向年上元例有燈詞八章自丁酉後戊戌己亥罷賞却燈節庚子值南巡躡途不為此詞者三年於茲矣

覺當前意境新

意境新翻引舊悲承

歡如舊永無期聯情中外同民樂勉抑追思強對時

過南嶺閱健銳營肄武作壬寅

健銳置營久遠奢俾習勤香山初置健銳營選八旗精壯子弟列營聚處其地遠隔

城市奢華於習勤從來出桓赴屢藉建功勲營中官兵肄武尤為有益

出征最稱勇敢平定西陲是日觀操練果然超匹羣賞及兩金川均著有勞績

因旌善布等第要明分四月二十一日親閱健銳營鳥鎗弓箭及馬上四鎗四箭并各種技藝俱能嫻熟超羣因命頒賞

其超衆者加倍賞給以示優獎



重華宮茶宴廷臣及內廷翰林等職官表聯句復

成二什 癸卯

宓犧龍紀肇龍師遼矣名官乃必資或簡或繁異今古

汝為汝弼藉誦諮曾無通表誠闕典應有全書勅所司

前因四庫全書告成載籍大備因思歷代職官志雖散見於諸史通志諸書第古今因革損益名實異同之處

未有專編可考降旨命館臣纂輯職官表一書刊布頒行茶宴選題合聯句對茲微

雪又希思

歷代原曾表職官茲如通志例而刊由今視昔臣不易

以已率人君實難北銑南金寧限地龍言夔拊戒空餐

瀛西朔漠胥登籍

職官表備列內外文武各官至於遐荒遠徼咸置官守如喀爾喀軍營烏

里雅蘇臺庫倫西寧及西藏等處分設將軍參贊駐劄大臣以資綏馭新疆準噶爾回部亦各設官置吏自將

軍都統以下特派大臣官員蒞治其蒙古官屬回部伯克及各邊境土官土司並一體附入以昭中外一統之

盛益慎持盈國步寬

題致遠齋二首

靜宜理政處名曰致遠齋來往滿十日寧毋稽政哉吏

兵各有人引見庭前排繫弓篤素志籲俊期良材其日

多逢英心目為之開設多逢庸輩未免意為灰五字識

其難禹吁理實該



昔臨致遠齋或值用兵際翹首盼捷音切切鮮寧意準

夷及回部廿年久安遂金川屯戍興諸番知懷畏豈敢

復奢望惟願無兵事所以戒遠勤然亦防近敵

刻臺 甲辰

行旌發廣陽臺迴向南望兩度斯郊勞 去聲 庚辰春二月將軍兆惠

等平定準噶爾回部凱旋於良鄉縣南築郊臺迎勞成禮丙申夏四月將軍阿桂等平定兩金川凱旋重修郊

臺具儀迎勞如庚辰之禮 一心感

昊慶春初苔色淺歲久樹陰長惟願無茲事佳兵豈有

當

四川總督李世傑奏報麥收八分餘及雨水情形

詩以誌慰 己酉

川省年年幸屢綏向稱湖廣尚過之 向稱湖廣熟天下足而四川近年以

來屢獲豐稔產米尤多下游之江 麥薶秋報八分稔黍

廣各省咸資轉運接濟不啻過之

稻雨經一尺滋 據李世傑奏川省二麥播種早者三月內即經結實其次於四月間均各黃熟

核計九分者真慶敘州潼川嘉定四府達州忠州二直隸州敘永一廳八分有餘者成都重慶夔州龍安寧遠

保寧六府眉州邛州資州綿州茂州西陽六直隸州石

省麥收實八分有餘又四月十七八九及二十二三四 發餘亦栽種齊全彌望 可望農功符築納自然民氣叶



熙怡盜風息內番馴外

從前川省囑嚙賊匪最為民間之害自大加懲創以來地方官

俱知實力緝辦有犯必懲近年閭閻安靖盜風久息其沿邊各土司番夷等自大小金川平定後輸誠向化共

享太平民生其樂土蒼生愜綏思

間實為樂土也

龍廷槐恭校

御製詩文十全集卷三十一

再定兩金川第五之十

文四首

平定兩金川告成太學碑文

丙申

太上立德其次立功又其次為立言而德與功皆賴言

以傳言之無文行而不遠文之時義大矣哉然傳德之

辭直而寡傳切之辭費而多直而寡者不因文而德自

見二典三謨經世立教是也費而多者必因文而功乃

明周誥殷盤佶屈聱牙是也吾嘗讀韓昌黎平淮西碑



益悉此言之不爽何則彼其藩鎮乃家奴之類愆患因循以致宛成敵國削而平之是官引以爲愧而不可炫以爲功賴昌黎之文幾與江漢常武同稱者定然有識者固知其辭費而多飾而未知憲宗之愧與弗愧耳今之平定金川之文不有類于斯乎解之者曰逆酋羈縻徼外非若淮蔡之居中土元濟之爲世臣也吾則以爲旣已受職爲上司則是我臣而其地近接成都遠連衛藏則是我土我土我臣而橫生逆志蠶食隣封將欲大有所爲弗勦而滅之則西川將不能安枕茲雖歲事與

平定淮蔡擒吳元濟何以異故宜引以爲愧而不可炫以爲功者以此金川之始覓於己已告功之文茲不復記記其復叛而復征則其陰謀負恩己自戊寅年始蓋戊辰之師實緣其跳梁不靖而師旣臨境彼卽窮蹙乞降遂以赦罪頒師甫十年而其酋郎卡卽與革布什咱構釁又四年遂與綽斯甲布及三襍谷爲敵而逆子索諾木兇悖益甚自恃地廣人衆力強與各土司構兵訖無寧歲故各土司皆畏之如虎而以勢分力散又莫能如之何余以爲業已受其降不宜復加兵且蟻鬪蠻觸



不足以勞王師因命地方文武大吏隨宜彈壓令弗越  
內地界亦足以安民而示度耳不虞地方大吏欲息事  
而每示寬逆酋轉以爲無足懼而日益逞其小金川逆  
酋僧格桑者始則與索諾木水火相仇繼乃狼狽爲奸  
於是索諾木計殺革布什咱土司色楞敦多布取其印  
勅以歸而僧格桑亦侵佔鄂克什地界且發兵圍其土  
司色達拉之官寨期于必取總督阿爾泰提督董天弼  
知事不可掩乃有發兵之請是役也或咎阿爾泰依韋  
誤事之過而余則以爲阿爾泰之過皆余之過蓋金川

因其地險衆悍久蓄異志是以有殺至維州橋之謠

維州

本漢徼外羌冉駹地蜀將姜維征羌駐此築壘後因名爲姜維城唐武德初因其地置維州屢叛屢復廣德中陷吐蕃號爲無憂城遂累入寇擾大中時始復內附五代蜀州內徙改縣曰保寧宋景德初改曰威州元至元間以州治保寧縣并入明洪武初于州境析置保縣本朝雍正五年省威州入保縣屬茂州今其地尚有維州橋之稱而促浸番人以殺至維州橋播爲謠曲似係聞吐蕃舊事妄冀效尤耳

則其不忘內

地情率可知戊辰之役我師采入屢勝卽不宜赦其罪  
而受其降此一誤也甫十年而郎卡偕恩作亂以及逆  
子踵其蹟皆不卽發兵問罪惟令地方大吏隨宜處置  
又屢誤也以至尾大不掉終於興師故予不咎人之議



爲窮兵黷武而轉咎已之類于姑息養奸蓋中國之制  
外域張撻伐則彼畏而斂跡主和好則彼輕而生心漢  
唐宋明之覆轍率可鑒也若謂予窮兵黷武則予賴  
天恩平伊犁定回部拓疆二萬餘里豈其尚不知止足  
而欲滅蕞爾之金川以爲揚赫濯紀勲烈之圖哉雖然  
平伊犁定回部其事大矣然費帑不及三千萬成功不  
過五年茲兩金川小寇地不逾五百里人不滿三萬衆  
而費帑至七千萬成功亦遲至五年則以跬步皆險番  
奴効命死守故得延至今日而我將軍阿桂立志堅定

決機明敏兩副將軍及叅贊領隊諸臣同心合力各軍  
士敵愾奮勇凡經大小數百餘戰而後成功視平伊犁  
定回部費力轉不啻倍蓰設非

天恩助順衆志成城則金川未易言滅而國威或致少  
損矣是不可以不記觀斯文者尚諒予懷慙悔過之不  
暇知非稱功詡德而爲言其庶幾乎繫之以辭用誌始  
末云爾

小金首禍曰僧格桑兵救鄂什

向稱沃日今定爲鄂克  
什急呼之則鄂什也

竟抗顏行

僧格桑于庚寅夏與鄂克什土司構怨稱兵  
阿爾泰董天弼親往誠諭奏稱逆酋乞教退



歸亦遂釋而不問未數月復圍鄂克什辛卯夏阿爾泰乃遣兵護鄂克什而逆酋亦遂與官兵交戰督臣

提臣每事遷就知弗勝任將軍別授阿爾泰等名為進

因諭溫福由滇赴川經理軍務且命桂林馳往視之辛

卯冬因阿爾泰始終遲疑玩誤遂罷其職而以溫福代

為大學士授定邊將軍由西路督兵進攻其攻破巴朗

四川總督則令桂林代之統兵攻勦南路

向訛為班直取達圍進抵資哩數月克之兩路夾擊遂

爛山今改得美諾鼠竄狼奔金川助惡溫福初至西路即策勵將

士攻克巴朗乘勝直取

達圍進攻資哩數月而克之繼命豐昇額為副將軍同

溫福進勦賊尋退還木關垠我兵進抵路頂宗桂林在

南路其始頗合機宜連破約哨卡了諸寨并復革布什

咱侵地尋為宋元俊所誤致有墨壘溝之失桂林匿不

上聞為阿爾泰所劾因即罷斥而令阿桂為副將軍赴

南路代領其兵兩路自達烏至僧格宗皆峭壁懸崖礪

卡林立阿桂董勸官軍勵勇摧堅采入其阻乘勝進擣

美諾賊巢壬辰十一月遂克之溫福亦攻克明郭宗至

美諾與阿桂會復督兵攻取布朗郭宗逆酋由僻徑竄

入金川擒其父澤旺解京乃傳檄撫定汗牛大板昭等

寨落小金川悉平而金川逆酋索諾

木復敗黨惡拒命因移兵並勦之既平攢拉小金川

名遂討促浸番語名雪多境險奏功以沈奏功以沈賊

更遮却綠營怯懦遇戰辟易攻勦促浸之兵溫福由功

分兩路並進功噶之前為卡撒了口賊築礮斷徑不能

進遂別由昔嶺繞攻而礮堅地險兼多雨雪攻之半年

雖屢得賊卡終未扼其要害緣旗兵既懦溫福又不

善調度以二萬餘人散佈各卡防守遂以分而見單賊

窺其罅隙于癸巳六月遣番眾數百由間道潛出煽誘

趨拉降番復叛董天弼庸儒失守為賊所戕賊益猖獗

擾溫福後路直侵大營綠營兵眾先潰將領戰歿者多

溫福率親兵與賊搏戰亦遇害趨拉之地復失逆酋等

御製詩文



罪大惡極愈兵既無能將復失算豈如南路全師而返

不可寬矣叶阿桂在當噶軍律明而士心固賊不敢犯然木果

木有事之後當噶亦難獨駐逐整勵兵眾由南路全師

而重調勁旅吉林索倫健銳火器其心忠純前已簡派

千令赴川助勦為溫福等奏止使木果木軍營有滿洲

兵在彼則綠營得所依恃亦不致倉皇潰竄是其事仍

由溫福自誤幸阿桂一路軍氣甚整即授為定西將軍

並選健銳火器營兵三千吉林索倫黑龍江兵四千迅

赴軍營重仍分兩路堂堂正正不旬日間美諾重定癸巳

冬將軍阿桂統兵由西路進攻其南路則令明亮為副

將軍進勦兩路並進所向克捷旬日之間即收復小金

川全谷噶既入馬尼去聲並克豸養旗兵允得其力阿桂

甲午正月搶佔谷噶了口山梁明亮等亦於是時攻克

馬尼兩路之兵皆因有八旗勁旅奮勇先登綠營觀感

激勸皆效法恐驪三路進一阻宜喜及彼絨布遇險而

後奏捷甚速副將軍豐昇額同舒常於宜喜駐兵與阿桂明亮共

止成三路第宜喜之兵攻勦半載未能寸進而明亮則

由馬尼攻得木谿卡卡角及抵庚阿桂西路則屢建功

額特亦阻險未能進遂駐絨布寨

羅博泐普逮遜克宗甲午三月阿桂攻克羅博瓦山梁

喇穆山梁日則了口

舉默格爾以擾其後我兵攻克色湖普後賊眾防守益

陡削賊備禦稍疎因分兵超越進攻盡據其碉並攻克

日則了口亦六月中事其後兵進稍阻至十月初復繞

道攻得默格爾山梁其榮噶爾明亮宜喜亦據嶺梁而

復難進徒然望洋宜喜為賊要隘守禦極嚴豐昇額舒



赴西路舒常在彼更不能進甲午夏因明亮在絨布屢  
 攻未進不宜頓兵於無用之地令其分兵七千移攻正  
 地明亮遣偵卒往探不見賊蹤難以輕進亦赴西路協  
 勦阿桂扎止之會綽斯甲布土司懇明亮駐宜喜并願  
 効前驅明亮乃出其不意分兵冒雨直進遂據宜喜山  
 梁並攻得俄坡格勒古賊因掘濠斷路明亮等復為所  
 阻  
 矣 逮昨乙未略康薩爾木思工噶賊礮並毀阿桂自攻得默格爾  
 欲乘勝直進賊復於康薩爾山梁抗阻兩月餘乙未正  
 月阿桂派兵分路潛進拔其鹿角連越重壕躍上礮頂  
 遂毀其礮礮賊甚眾四月復攻得木  
 思工噶克了口從此下壓勢益順矣 明亮河西亦有所  
 據日旁以前五十里路明亮因達爾圖之路為賊所斷商之阿桂謂當仍由宜喜一路  
 進攻並派西路兵一千令福康安帶往攻克甲索礮卡  
 海蘭察亦往會攻合力并擊先克撒撒谷其日旁右之  
 沙壩山并達爾圖得楞及溝內之斯年木咱爾各  
 賊皆紛紛棄礮遁周圍五十餘里寨落悉行焚燒 夾河

兩軍聲息可通並清後路遜克爾宗

五月中明亮攻克額爾替礮卡可下

至平坡六月間復攻克石真噶寨阿桂派兵沿河從赤  
 爾寨攻打隔河之沙爾尼一帶兩岸夾擊聲息可通迨  
 阿桂攻得噶爾丹喇嘛寺等處居高得勢以遜克爾宗  
 在我兵之後留之非計遂派兵三路分進豐昇額督率  
 攻勦或斫寨而入或梯牆而進遂  
 得其礮殺賊無算後路益肅清矣 蓄則大海昆色拉枯  
 層層破要步步披嶇阿桂以昆色爾喇嘛寺在拉枯喇  
 則大海亦當並勦分派將領統兵同往其昆色爾山梁  
 最險官兵皆蟻附上攻佔其礮寨復縱火焚燒拉枯喇  
 嘛寺又攻得番則大海官兵  
 無不超越而登飛騰而入 遂克勒圍紅旗飛遁而何

四月大捷未至既克西里迺若建旆科布

曲索隆古不

日而傾阿桂于八月十五夜攻克勒烏圍其附近礮卡  
 木城六十餘處一夕無不摧破八日而紅旗遁



至木蘭詳見聞捷凱歌及誌事詩自奉捷後四閱月雖時有克獲未能采入直至十一月初攻克西里軍聲愈壯而賊勢愈蹙尋即攻得科布曲索隆古山梁並克格隆古兜窩等要隘又掃清安布魯木一帶益據建饒之勢雍中含齊易如拉朽密圍噶喇依賊其奚走阿桂既由索隆

古進攻朗阿古則朗噶克了口等處皆克之並據噶占山梁十二月十七日遂由瑪爾古當噶一帶寨落悉行掃蕩並克舍齊喇嘛寺次日復攻克雍中喇嘛寺即于十九日統兵直擣噶喇依四面圍攻水陸俱斷促浸番衆自攻克勒烏圍以來大小男婦紛紛投出其大頭人布籠普阿納木達什阿庫魯等遂皆相率乞降並索諾木之母阿倉姑阿青及其姊妹亦皆投至軍營僉云索諾木莎羅奔兄弟並作惡之大頭人丹巴沃雜爾等皆在圍中此蓋逆酋賊黨等罪孽深重是時河西明亮亦天奪其魄驅之一處以就擒也

入富德馬邦傳檄芥拾明亮既克阿爾古等寨克取獨古木開通乃當仙梁並擣甲襍

掃獨松河西一帶悉行勦洗過河會阿桂合攻賊巢富德亦將河南北之噶咱普庚額特會達等各寨落全行掃清直據馬爾邦亦遣兵與阿桂會富德所得之地俱不煩兵力易如拾芥設非西路圍噶喇依則其兩路亦無進期明亮富德兩路向皆艱于攻取而富德久駐絨布尤未能

寸進自阿桂既克索隆古乘勝席捲已圍噶喇依各處之賊皆胆破心散望風潰降非果由力戰而得若非西路官兵直擣賊巢則明亮富德兩路仍未有進取之期也諸軍既合火攻周遭雖據三穴訖其奚逃然猶死守四十餘日計窮力竭乞命而

出官軍四面合圍賊猶負隅力抗繼用大礮環轟摧其礮卡將士等乘勢克取旁近寨落層層進逼賊日多逆酋惶懼遣其兄岡達克彭楚克次第詣營並即拘繫于是攻圍益急據其近礮斷其水道索諾木窘迫無計遂于二月初四日早率其兄弟莎羅奔甲爾瓦沃禿爾斯丹巴井兩土婦及黨惡大頭人丹巴沃禿爾阿木



婦二千餘人出寨逆酋跪捧印信乞免誅戮因即悉就

擒獲俘獻京師自圍勦以來計四十餘日至是全境蕩

平罪人斯得紅旗于二月十二日馳至桃花寺行宮適

當告功東陵之期此實仰賴皇祖默佑益深

感敬隨諭將軍阿桂等統成功將士擇日凱旋候東巡

迴輦至黃新莊舉行郊勞大典以昭優武策勲之盛金川之功阿桂居首特恩異

數卹之宜厚征勦金川之役實由將軍阿桂蓋臣體國

首功特封為頭等誠謀英勇公加賞雙眼孔雀翎能出

紅寶石帽頂四團龍補褂金黃帶紫轡以昭崇獎

能入有權有經運長擊短後實先聲金川之功允資羣

力寸步層峯冰滑石灰將軍指揮無不奮勇以此破敵

鹿埕隴種金川之功非予所期事弗可已久而得之鬪

猶獸困捨懲雞肋念我眾勞至今心惻金川之功允賴

上蒼靖彼蕃徼我武惟揚勒碑太學用遵成例靜言思

之文以誌愧

平定金川勒銘美諾之碑

首禍者必有奇禍之遭借德者必有凶德之報蓋償拉

之首禍實由促浸之教而促浸之借德亦因償拉之肇

故戊辰之役以救償拉而有促浸之征前因金川侵擾

司澤旺地方官諭之不從慨敢干抗戊辰冬遣經學大

學士傅恒統禁旅往勦我武方揚而莎羅奔郎卡窮蹙

乞命因矜其頑蠢遂允受降澤旺乃得復歸故地郎卡

始尚畏懼歛跡未十年輒思吞噬鄰封時相仇殺彼時



以蠻觸爭衡乃其常事亦遂聽之郎卡既死其子索諾  
木轉與小金川僧格桑狼狽為奸負恩梗化遂致復勞  
師旅深悔前茲辛卯之師以伐攢拉乃並促浸而掃  
此之姑息矣桑恃有索諾木黨惡欺蔑鄰疆攻圍鄂克什官寨佔其  
境地樞其土司經前督臣阿爾泰等往諭罷兵退地逆  
會陽奉陰違浸至辛卯夏僧格桑乘索諾木侵害革布  
什咱土司之釁益復滋橫並且修築碉卡謀抗天朝勢  
不得不以兵革而阿爾泰因循貽誤遂命溫福由滇  
入蜀授以大學士統兵征剿即攻克巴朗拉繼又克復  
達圍一帶以至資理官兵前抵路頂宗仍不止進壬辰  
夏阿桂以參贊赴南路統兵於是年冬攻克僧格宗甫  
半月即乘勝攻得美諾其餘寨落悉傳檄撫定小金川  
平而僧格桑逃往金川索諾木匿而不獻于是移兵並  
討促彼其緩則頡利突利之相猜急則僑如榮如之相  
保然而地險人強機謀深造則攢拉遠不如促浸故美

諾再入而再克美諾未嘗不險而一克僧格宗其勢遂

福由明郭宗統兵往捕僧格桑已從美臥溝遁入金川

擒其父澤旺以歸溫福為將軍始猶勇往繼乃昧于籌

畫又不得人心癸己夏賊眾從後路潛出遂有木果木

之變美諾亦尋失去乃命阿桂為定西將軍發八旗勁

旅往剿阿桂部署稍定于十月廿九日進兵自資理至

美諾五晝夜心行恢復寔為神速而僧格桑既至金川

索諾木即羈留不遣即其謀擾木果木但令小金川賊

目七圖安堵爾同往美諾號召而不使僧格桑復還故  
巢則索諾木之密圖吞併攢拉以次蠶食旁近土司并  
且欲侵及內地固已漸露端倪罪惡貫盈寔難輕道耳  
雖南有僧格宗北有明郭宗而我師奮力攻取無不立  
摧堅礪遂據官寨之穴窖美諾為小金川官寨即其巢穴也此固  
皇天助順將卒盡力而亦其首禍偕德之招是用勒銘



會巢永鎮箝微

平定金川勒銘勒烏圍之碑

美諾既克移問促浸狼狽為奸而更謀深劫木果木  
 辰冬攻克美諾逆酋僧格桑竄去索諾木匿而不獻於  
 是移兵申討促浸甫温福為將軍由功噶爾拉進勦阿  
 桂為叅贊大臣由當噶爾拉進勦温福旋攻據昔嶺遂  
 駐木果木師久不得進温福紕於謀以營中所有之兵  
 築卡布守既耗兵力且以分而見少癸巳夏賊酋窺其  
 無能乃逞狡謀令賊目糾眾自美臥溝及大板昭潛出  
 號召賡拉降番復叛擾木果木後路温福漫無部署軍  
 營為賊所劫綠營怯兵一時俱潰温福被害其餘大臣  
 官員兵丁陣亡者甚多我朝用兵其恨至今將士何辜  
 從無如此挫折者思之實堪切齒

弗雪冤沈兵威大振勁旅繼至師分兩路谷噶馬尼  
 去

木果木之失皆由營中無滿洲兵為之表率亦由温  
 福等奏阻故已派而未遣及温福既償事知綠旗兵之  
 終不足恃乃派健銳火器營兵二千吉林兵二千索倫  
 黑龍江兵二千並派西安荆州駐防滿兵四千前往以  
 為之倡又添派陝甘滇黔兩湖精銳數萬合力大舉以  
 阿桂為定西將軍豐昇額明亮為副將軍阿桂遂統八  
 旗勁旅閱五晝夜而恢復贛拉全境乃進攻促浸甲午  
 正月阿桂自西路攻克谷噶了口佔其山梁入賊境百  
 餘里明亮亦自前路攻克馬尼上下同心據忠敵愾西  
 此為再進克捷之始軍聲大振

路遂進南路畧泥  
 去聲勒烏圍從西路進攻噶喇依  
 遂能扼要所進據皆其險隘明亮等既得馬尼雖時有  
 小捷然庚額特馬邦俱未易攻進于是遂專望西路之  
 得手了口深入爰克羅博阿桂自了口進兵以羅博尾  
 矣

路分將領率之超越而登遂將羅喇穆併占默格  
 博瓦山峯及山岡礪卡盡行攻克



叶阿桂自三月間攻得羅博瓦阻雨數月至六月初  
 稍晴遂克其岡下之色湖普又于六月下旬盡克喇穆  
 喇穆山梁及日則丁口七月中又克其該布達什諾大  
 木城并焚燬格魯瓦角寨落十月中復佔其默格爾山  
 梁其地在日爾八當噶之下榮噶爾博之上向閣地圖  
 指以咨詢阿桂而所籌適相合既佔此山梁遂克密拉  
 噶拉木大寨並克獲凱立獲康薩爾木思工噶叶阿  
 葉各寨我兵勢益聯絡矣桂自十  
 月攻得默格爾駐兵密拉噶拉木幾兩月餘至乙未正  
 月十二日官兵乃攻克康薩爾山梁其險倍于他處賊  
 之守禦亦更堅而官軍于三日內全得之其後復因雨  
 雪頓兵三月至四月初十日天霽雪消十四日中夜官  
 兵潛進攻奪木思工噶克了口阿桂自遜克爾宗其險  
 謂一日而收三年未竟之功洵不妄也  
 難託遜克爾宗為勒烏圍賊巢外險自前歲四月間攻  
 五月初攻克噶爾丹喇嘛寺及噶朗噶又搶佔舍圖枉  
 卡已居高得勢而留遜克爾宗在後究屬非計乃于五

月十二派兵前往時霧氣四塞官軍乘勢攀越崖礮直  
 至礮根遂將其地上下百礮木城悉行攻克是役也豐  
 昇額之力居多因于其公號果毅下增繼  
 勇二字嘉其能紹乃祖額亦都之績也  
 凡此數處林

立堅礮層次攻勦我師實勞據昆色爾乃近賊巢北軍  
 亦至隔河匪遙七月初二日官軍乘夜潛進直上昆色

軍縱火焚賊寨至拉林喇嘛寺飛騰而入又得喇嘛科  
 爾三寨並攻克當則大海竭三日三夜之力占地縱橫  
 三四十里焚其礮寨一百三十餘先是明亮在南路以  
 其林守無益令移兵北路會勦甫至宜喜即得達爾圖  
 山梁至是復由茹寨攻進連克額爾替石直噶等寨盡  
 得其上下沙爾尼之地與阿桂軍營僅一河之隔矣

日勒烏圍賊舊官寨垣固礮高力守要害經樓輔車陡  
 礮劃界木卡石城蠶簇鱗繪拏柵周遭援路截其泗水



拽橋囊土濟師

勒烏圍為賊舊巢恃其礮高墻厚守拒甚力且有轉經樓相倚角中間礮卡鱗

次又阻以高礮五層殊不易攻阿桂于勒烏圍轉經樓之中拏柵以截賊人援路並令冷角寺一帶官兵由西

北而南沿河拏柵以斷其下水之路又募楚兵善泅水者繫巨索于甲爾日梁橋柱以拽圯之又以礮邊賊人

鎗石可及乃令官軍頭戴柴捆手推沙囊匍匐而行至礮沿層積堆起趕列三層木柵以擊礮下之賊穴

道旁出轟以地雷

叶凡此百計用盡無遺

並于所掘地道中用礮轟

擊礮下掘溝抗拒賊眾凡可以用力設法者籌畫備至阿桂可謂善于謀矣

垣裂遂督大軍所墻衝闌遊魂弗支奔迸斃斃功成一

夕中秋八月

官軍四面合圍礮轟鎗擊並拋擲火彈所遇礮卡或援柵斬關而入或攀援奮躍而

登呼聲四起賊眾披靡殲戮殆盡惟莎羅奔兄弟及賊目丹巴沃雜爾聞風先竄究亦難逃

天網計多子

丑三時將勒烏圍官寨轉經樓喇嘛寺悉行攻克凡賊所恃以抗拒之處一夕無不摧破時乙未八月十五夜也

也眾軍之力一帥之謀靖彼賊穴安我蜀陬肫乎厥忠

卓乎厥猷銘誌鴻功永示千秋

平定金川勒銘噶喇依之碑

向不云乎弗加征而自臣屬謂之歸順始逆命而終徠

服謂之歸降若今索諾木之窮蹙率弟兄出礮獻印不

但不可謂之歸順即歸降亦不可得而方彼其抗命相

拒歷五年之長茲已密圍巢穴火器團攻腹心潰內羽

翼失傍

官軍初圍賊巢蟻眾猶負隅抗拒我兵用大礮四面環擊賊自揣力不能支日形窘迫先是逆



會之母姑姊妹情急來投自請遣人回巢招諭索諾木  
乃遣其兄阿達克彭楚克以次詣營懇求皆就拘繫其  
黨惡之布籠普阿納木等先後求降山塔爾薩木坦等  
竝經擒獲于是進圍益急賊勢日蹙官軍復摧其近碉  
斷其水道番眾惟懼紛紛潰出索諾木遂率其兄弟  
羅奔甲爾瓦沃雜爾斯丹巴及兩土婦并助惡之大頭  
人丹巴沃雜爾阿木魯綽窩斯甲尼瑪噶喇克巴偕兩  
喇嘛挈屬二千餘人出寨逆脅跪捧印信羣泥首乞命  
由是罪人斯方將鬪砦搜穴利斧其吭生擒亦易旦夕  
得獻俘奏凱

滅亡乃始匍匐請命又安得比之肉袒牽羊噶喇依者  
蓋其世守官寨故多深塹高牆我師萬層險歷千戰威  
揚譬之大木已盡去其枝葉則本根亦可待其立殭然  
而逆賊有言官軍若至當毀其重器聚族焚而自戕使

果如所云則雖獻馘歲事終不如生獲盡美盡善之慶  
是蓋兇渠罪大惡極而且貪生苟延以致獻俘闕下明  
正典刑于是疆界厥地屯戍我兵鎮羣蕃而永靖樹豐  
碑以告成功歲在丙申仲春日吉時良



臣張鵬展恭校

御製詩文十全集卷三十二

再定金川第五之十一

文二首

平定金川五十功臣像贊

有序

丙申

金川旣平定圖功臣像於紫光閣序而贊之一依伊犁回部之例具故其義前序言之詳矣茲復何言而不能無言者誠以諸臣官力擴猷或定策於樽俎之間或衝堅于石矢之隊且捐軀盡節者指不勝屈寧忍令泯沒無聞而弗壽厥儀表彰厥名



聲者哉夫用兵蓋難言之矣無應機之某乏識人之鑿而徒俾推轂是藉寇兵而齎盜糧也温福之僨車朕深引以爲愧而阿桂終能集事朕又略因解嘲至於午夜廢寢當食忘餐吁亦勞矣夫無此勞而徒曰有兵有將汝其爲我征伐則眞窮兵黷武而付其天下之成敗於不問者朕弗爲也觀此序者或諒朕非窮兵黷武之爲幸何如之冀何如之而朕之子孫當凜佳兵之誠苟不得已而用之必深體此序之意弗以冒昧行焉則我大清億萬

年無疆之休基于是矣前圖逮今甫十六載事故過去者卽十分之九爲之愴然而後生疊奮繼前人之光爲國家之用林林源源以出因又爲之慶矣其兩被圖形如阿桂之倫豈非德業之光輝人臣之厚幸而較衛霍英鄂之流更爲榮遇超越乎定西將軍一等誠謀英勇公協辦大學士吏部

尚書阿桂

西師參贊經歷多年茲爲巨擘掄掌兵權

西師之役阿桂爲參贊大

臣著有勞績因其嫻習軍務特授爲定西將軍統兵勦兩金川阿桂承命以來籌畫盡心不憚艱險用能掃蕩



賊巢俘擒逆黨大勳克集實為首功  
錫爵圖形優加章服懋昭酬庸之典  
誠而有謀英弗恃  
勇集衆出奇成勳克鞏

定邊右副將軍一等果毅繼勇公加一等子戶

部尚書豐昇額

宜喜弗動

癸巳夏因促浸賊人勾通趨拉降番潛出滋擾時豐昇額駐兵宜喜諭令就近赴大板昭

堵勦豐昇額得旨時已知有木果木之事又未得阿桂軍營信息恐將綽斯甲布一路兵力分單徙去無益竟未移兵前往奏至嘉其有識特降旨獎勵之  
定見識機後副西路親勵戎衣

遜克爾宗督兵進取國之蓋臣勇繼乃祖

遜克爾宗地最險要且在

我軍之後豐昇額督兵進攻或所寨而入或梯牆而進遂爾得礮殲賊嘉其勇敢無愧乃祖巴圖魯公額亦都

之風因於所襲公爵加繼勇二字以旌之

定邊右副將軍一等襄勇伯成都將軍明亮

獨統一路頗有斬獲姻戚少年世承恩澤

明亮為孝賢皇后親姪

察其少年誠篤俾習軍旅命為副將軍在南路統兵隨即攻取馬尼繼復移兵襲取宜喜山梁遂于北路進勦尋克日旁沙爾尼一帶亦屢著功績  
建績抒忱是用褒嘉俾司將印永靖  
裕巴 兩金川既平於其地設鎮安營駐守因授明亮為成都將軍以控馭之

大學士舒赫德

土爾扈特安集邊城

辛卯夏土爾扈特汗渥巴錫等率全部歸順特調舒赫德為伊犁將

軍經理其事安措極為妥協旋授為大學士甲午秋命統兵勦捕山東逆匪王倫甫六日而蕩事命入



綸閣速定臨清金川之役未悉端委書旨承行時亦贊理

大學士一等輕車都尉于敏中

內地土司事須漢字

國家用兵一切機宜率以清字書旨茲金川乃內地土司軍書往來

多用漢字五年以來于敏中始終其事稟受機宜承旨書諭頗著勤勞既加恩賞以世職並賜雙眼孔雀翎圖形紫光閣九儒臣自始至終勤勞弗替相機擬諭厥功從來未有之榮遇

茂焉賜翎寫象儒臣孰肩

兵部尚書一等忠勇公和碩額駙福隆安

父定復叛子嘗愧之

戊辰金川之役大學士傅恒前往經略時以莎羅奔郎卡畏罪投誠

遂奏聞受降未十年郎卡即滋擾鄰封其子索諾木益借恩反噬實深悔前此之姑息非一舉而於滅之不能永除後患福隆安因此屢懇赴軍營自効皆未允所請留之禁近俾習贊軍務是用稽首躬請出師留於左右俾習規畫頗有嘉謀協予廣益

原叅贊大臣固倫額駙贈和碩親王色布騰巴

爾珠爾

伊犁宣力屢立戰功金川叅贊仍勵勇忠抱病軍營弗令奏聞惜竟不起未觀成勲

叅贊大臣一等超勇侯都統海蘭察

射巴雅爾超授侍衛洵至都統叅畫軍計堅礪險若無



不先登勇而有謀封侯實應

叅贊大臣一等嫻勇男護軍統領副都統額森

特

虎鎗隨圍覺與眾殊命往勦賊攘臂以愉閱歷既多遂叅謀議獨當一面亦復集事

叅贊大臣護軍統領舒常

八旂子弟總屬世臣菁莪造就命以從軍勇弗孳旂智堪入幕北路贊機時資其畧

領隊大臣一等承恩武勇公加一等男都統奎

林

兄終王事至今為恨

奎林乃毅勇公明瑞親弟皆賢皇后親姪明瑞為將軍督兵征

勦緬匪陣亡朕每以為恨不忍更命從軍乃奎林力請不已因許之奮勇屢著功績屢請効力披

堅斫陣心源落落膽氣堂堂世家英器是予所臧

領隊大臣三等果勇侯都統和隆武

襲父卹職

和隆武之父將軍和起征勦準噶爾時在闡展為莽噶里克等所害議卹予以世襲子爵

和隆武襲之此次征勦金川不意其勇敢超眾若此因晉封侯爵少年老成囊錐脫穎

竟善用兵畧日旁寨獨擅偉勲楚材繼出既憐以欣

領隊大臣內大臣都統戶部侍郎三等嘉勇男



福康安

代兄以往繼父而奮

福康安福隆安之弟也

矜許厓勵王臣之盡

登碣奪砦那須蒙甲嘉勇錫名世傳勲業

領隊大臣副都統三等奮勇男普爾普

父是日殫子非弄兒

普爾普之父巴圖濟爾噶爾以都爾伯特部宰桑來降隨征回部於

和闐立功仕至都統普爾普臨陣奮勇頗能繼其父志因特賜男爵

命往剿賊盡力無遺

金戈鐵衣冰山雪窖能入能出敵不敢校

領隊大臣荊州將軍輔國公興兆

憶當國初創業開基宗室王公宣力率師承平襲慶安

享榮華董軍建勲斯為可嘉

原參贊大臣西安提督哈國興

中土回人性多拳勇哈其大族每出將種向畧趨拉屢  
舉險要中道病殂成功未告

領隊大臣西安提督馬彪

西師効勇早著旂常命剿逆番盡力以饗搗橋渡河奪  
卡據水用濟我軍井井有理

原領隊大臣江南提督馬全

挾翼雖英御須造父設非其人良材徒苦陷木果木將



軍債轅 溫福頓兵昔嶺株守不進以所統二萬眾散布各卡遂以分而見少致為賊人所輕攪拉降番  
七圖甲噶爾思甲布等約促浸許為內應賊眾各由間道潛出擾溫福後路漸逼木果木軍營綠旗孺卒聞風驚潰溫福率十餘人突出遇賊被害馬全在後抵禦殿遂及於陣英材為庸帥所誤雖加恩贈卹至今惜之  
後捐軀愧惜難言

領隊大臣廣西提督書麟

本非習戰遇戰即奮恐孤父名 書麟乃大學士高晉之子 偉哉後進

功成事定提督鬱林竣則壯志守則小心

領隊大臣副都統綽克托巴圖魯三保

本射生手獸無跳走以之射賊探囊物取冒險屢進志

篤且純受創獨重祿養終身 三保在軍營每戰勇往不避矢石因攻甲素賊寨右

臂受鳥鎗傷甚劇久治不痊憐其臂已殘廢免令入直當差仍留副都統之任俾得祿以贍

領隊大臣副都統法福里巴圖魯烏什哈達

有足如鑷有手如翼削壁尖峯行無難色領隊奮勇屢

克礪堅羌兒畏之若雀遇鸛

領隊大臣副都統多布坦巴圖魯瑚尼爾圖

木思工噶躍入賊礪督眾鞞膊勇不目逃巴占牽敵俾

無遮紉番人望之弗戰辟易

領隊大臣副都統扎克博巴圖魯珠爾格德



奎林深入賊刃將及發矢斃之險中救急同心合力共  
集大勲寫圖旌壯序史流芬

領隊大臣副都統咱爾親巴圖魯阿爾都

喀咱奎林及和隆武絕地被遮餘勇猶賈曰阿爾都據  
險牽賊二人乃出其功允特

領隊大臣副都統阿爾杭阿巴圖魯阿爾薩朗

跬步皆山面前萬仞無著足處攀騰奮迅遂破扎古扎古

即扎烏古急呼既翹且英人中獅子實稱其名阿爾薩朗國語  
謂獅也

領隊大臣副都統穆騰額巴圖魯舒亮

率健銳營訓練有素節制之師五步六步礮礮叢中鼓  
勇身先勞而不伐是用稱賢

原領隊大臣副都統銜納親巴圖魯科瑪

堂堂之陣亦藉出奇潛行僻路附葛蹕巖直越峯頂火  
攻石洞破二百寨色格功高科瑪于沙壩山率兵潛行

兵搶佔色格落喀爾都等處  
拋入火彈燒賊寨二百餘間

領隊大臣副都統銜扎濟克巴圖魯伊蘭保

有賊必戰有戰必先率我勁旅攻其中堅志不顧身勇



能知義噶占進棧丹格建幟

原領隊大臣副都統銜扎爾丹巴圖魯佛倫泰

功成一將那保無虞爭前恥後舊風未渝當噶之戰直

進身殞使我心惻優卹惟允

領隊大臣副都統三等信勇公富興

信勇世家志不愧祖

富興為信勇公費英東之曾孫以有足疾不能登陟攻戰而駐守要

盜則甚

徒以蹶痿艱于步武蠶叢鳥道登進則遲據險

守要千軍不移

領隊大臣副都統德赫布

賊之所恃據礮堅守我之所利拏柵進取知彼知己正  
以出奇邀隙攢射善手是資

原領隊大臣副都統莽喀察

索倫善射其中爭最西師建勲紫閣形繪逞其猿臂搜  
彼蟻封不虞劍重歎惜何窮

領隊大臣直隸天津鎮總兵噶布什海巴圖魯

海祿

資哩美諾皆樹奇績奪昆色爾攀枝援壁固資衆力率  
先必親事定酬庸命鎮天津



領隊大臣貴州鎮遠鎮總兵僧格巴圖魯敖成  
甘涼宿將屢立戰功以其驍習俾伐蠻賓于巴布里攻  
其特固乘雪伐之有如李愬

領隊大臣山西大同鎮總兵巴爾丹巴圖魯官  
達色

連環火攻國之雄器率領得人無往不利及至近礮斫  
門穴孔大呼直入嘉乃獨勇

領隊大臣四川川北鎮總兵賽尙阿巴圖魯成  
德

沈舟側畔鼓棹爲難受創復進其心審丹似若而人不  
勝屈指養育八旗報非虛飾

領隊大臣陝西固原鎮總兵法福里巴圖魯圖

欽保

承平日久敢恃內安永憶文子厥有名言嘉我諸臣遇  
兵則奮竭力敵愾世承家訓

原甘肅肅州鎮總兵札親巴圖魯曹順

始由偏裨游至總戎騎牆殺賊受傷捐躬賞延于世爲  
之惜悼季世朱門歌舞以笑



領隊大臣陝西與漢鎮總兵三等義烈公保寧

父歿王事保寧之父納木札爾以靖逆將軍征勦回部於黑水陣亡卹贈義烈公保寧襲爵因其力

請出師遂允之在軍營屢著功績襲爵為公不忘忠盡力請從戎雖屬

少年乃如宿將持重戒輕心精膽壯

平日領隊大臣山西大源鎮總兵特成額

誰謂世家而多統緒後生可畏不忘祖父叶特成額為原果毅公

策楞之子其高祖卽巴圖魯公額亦都也是予所嘉是予所憐願予世臣綿

此萬年此萬年原領隊大臣陝西延綏鎮總兵烏爾納

平生若懦戰則倍勇雖屢受傷進不旋踵功成事定賊

寨火延沒于弗值實可嗟焉將軍等既平促浸賊巢掃蕩數日後噶喇依寨內忽

火起延及火藥局烏爾納督兵往救不意藥轟石飛傷腦而歿為之悼惜因勅部照陣亡例議卹

原署福建建寧鎮總兵敦柱

披堅破銳突將無前眾志成城而各力宣威震叩俸拉

朽摧枯宜喜已克惜哉捐軀

頭等侍衛札卓穆巴巴圖魯額爾特

七校護衛無殊眾人及至臨敵其膽包身地道深入木

城超躍遂克勒圍厥功允卓

御製詩文集



頭等侍衛揚達克巴圖魯托爾托保

每戰俱前三遇三克勝彼忠嗣王耀武漢北漠北可馬

此步而攀冰巘萬仞所以爲難

二等侍衛拉布凱巴圖魯泰斐英阿

一木勺支衆擎易舉嘉我諸臣心同力努人自爲戰各有所成攻康薩爾直進賊營

二等侍衛崇籤巴圖魯柏凌

于戰可觀人之立志或挺而前或退而避受傷雖多其節弗渝如柏凌冬壯矣丈夫

原二等侍衛額依巴爾巴圖魯達蘭泰

或仰而攻或俯而壓仰以鷹抄俯如馬蹋么磨迹遁鬼賊魂銷追奔逐北處處功高

原二等侍衛善巴巴圖魯薩爾吉岱

賊之長技在于善守反而用之拏柵進取滴博蓬婆威名遠服惜哉陣亡於阿穰曲

索倫佐領舒克丹巴圖魯特爾悖澈

賊之所懼勁弓長箭飛蜂蝟集對則色變索倫捷手射番最多每據要害其功弗磨



貴州副將奢特陳巴圖魯與奎

黷武豈願詰戎敢忘因弗得已曉夜傍徨良材總總爲國宣猷寫圖表績永示千秋

平定兩金川方畧序

庚子

前平定金川實祇受促浸一處之歸降後平定兩金川則併促浸僭拉兩處削平之而屯戍其地不讀前方畧不知予之撫順宥過之寬惠不讀後方畧不知予之保大經久之苦心兩金川之惰恩奢望屢赦屢叛與夫不得已用兵之原委亦既見之後告成太學之碑文矣茲

方畧成而司事者以序請從其請是贅言不從其請是闕體以書之有弁詞歲體例也夫示之義方之謂方定之智畧之謂畧有方無畧失之執有畧無方失之隨二者相需殷而相得彰且方有隅之義而象地畧有包之義而象天乾圓坤方陰靜陽動卽兵法實不出乎此要之本於敬而弗懈公而無私泰而不驕勤而非躁然後能賞罰明而進退當緩急應而機宜合運之九重之上示之絕域之遙忘憂不可掣肘益不可是必注精神於董事之諸臣而念辛苦於衝鋒之策士嗚呼定方畧豈



易言而成方畧更難覩也今幸覩方畧之成庶乎五年  
忘餐廢寢之勞得以少慰而藉以解後世窮兵黷武之  
譏所爲伐逆不伐順伐險不伐夷者或庶幾乎

臣  
張鵬展恭校



